

四庫全書

史部

欽定四庫全書

山西通志卷十九

山川三

潞安府

長治縣

太行山 長治居其巔東界在平順縣

五龍山南六十里高八百四十丈盤踞十二里一峯高

十二丈五尺上有五龍殿

周泰記山高二千五百尺

唐志上黨有

五龍山 十六國春秋西燕慕容永時有五色雲見於此遇旱禱雨輒應因置祠以祭五方之神東北一里有小松窠枕崗而踞阜三面胥絕壑斷崖北為雲梯環山胥茂松李白詩所謂上黨碧松烟也樵採者罔敢睨名龍山松 上古十紀二曰五龍紀春秋命厯序皇伯皇仲皇叔皇季皇少五姓同期俱駕龍號曰五龍遁甲開山圖五龍見教天皇

此宜與膚施之五龍山五龍池

五龍泉雲陽之五龍谷互攷又東南三十里有五龍山高二百二十丈盤踞十六里南連八俯墳四里

張說奉和聖製賜崔日用往潞州應制川橫八練澗
山帶五龍長

百穀山在縣東北十三里高三百四十丈盤踞六里石
子河經南山峽上有栢谷寺一名柏谷山下有泉與
石子河俱經南山峽焉 太平寰宇記百穀山與太
行王屋皆連風洞泉谷崖壑幽邃最稱嘉境昔神農
嘗百穀於此因名山建廟仲春上甲日致祭 王基
神農廟記絕頂之半廓以石澗俯瞰城郭世傳帝嘗

百穀於茲 明一統志山與太行王屋相接多栢稱
為栢谷 半崖石上一饒轉運使兵部員外郎張去
惑恭侍老親遊此至和二年三月初五日誌一饒泰
和甲子四月癸丑時雨小愆將害麵麥穀不能殖投
隙一禱栢穀佛祠是日雨霑足

小石山在縣東五里高一百十丈盤踞五里南連鳳凰
山二里

鳳凰山二一在縣東五里高九十丈盤踞六里南連秋

谷山四里一名塔兒嶺一在縣南五十里高八十一
大盤踞三里

風王山在縣東六里高五十四丈盤踞三里南連壺口
山五里

壺口山在縣東七里高三十三丈五尺盤踞一里南連
小石山三里兩峯夾峙而中虛形似壺口下即古壺

關縣治上有平頂寺

明志漢於此
置關未覈

師古注壺口山在

河東上黨 潘炎九日紫氣賦序景龍三年九月九

日上與羣官壺口山升高時有紫氣光彩照日

秋谷山在縣東南八里高百二十五丈盤踞三里南連五龍山三十里潞志拾遺秋谷山郡東五里 元仁

宗大書秋谷二字以賜李孟秋谷者潞東山而李道復之別號也 姚燧李平章畫像序上云未出閣有李道復日侍講讀親而敬之嘗召繪工惟肖其形賜號秋谷命集賢大學士王顥大書之手刻為扁而署其上又側注曰大德三年四月吉人為山人李道復

製

靈泉山在縣東南十里山半石洞有清泉禱雨多應

金粟山在縣東南三十里高六十二丈盤踞二里

三峻山二一在縣東南三十里高二百一丈盤踞五里

一在縣西南五十五里高二百丈盤踞五里

佛山在縣東南三十五里壺關界高三十丈盤踞五里

一名佛耳山 劉麟詩佛有骨亦有齒晉嶺盤空天

下無擇勝呈聰露其耳

浮山在縣東南五十五里高二百丈盤踞六里上有寶
峯寺

雄山在縣東南六十里高二百二十七丈盤踞四十七
里上有三峯第一峯高三十六丈第二峯高十七丈
八尺第三峯高十四丈疊嶂起伏似遊龍奔馬諸峯
羅列特為雄壯相傳元時有李仙自沁州昇舉卓劍
雄山巔召山下宗族會集拔劍而去山有泉即劍穴
也東山坡有淘水明李惟馨杜數章誠結社稱

雄山三老

東山在東南七十里呂柟東山書院記曰東山在雄山鄉即俗所謂東嶺也仇氏族居於此乃於雄山之東嶺建書院焉凡東山之水皆趨聚橫池有格心橋

羊頭山在縣東南七十里高百四十三丈盤踞四里南連三峻山袤十三里南坡連高平縣界山下有淘金河

雄東書院山在縣東南七十五里高一百十五丈盤踞

五里內連四貞山東連壺關縣山

雞鳴山在縣東南八十里高一百七丈盤踞四里當郡之界雞鳴兩界皆聞有雞鳴水 地形志壺關有雞鳴嶺一名大山

南雲山在縣東南八十里高六十丈盤踞四里南連高平縣界上有九江廟

二仙山在縣南四十里高百四十八丈盤踞三里南連五龍山十三里上有寶雲寺

鷄子山在縣南六十里高四百九十九丈盤踞十九里
西北山麓有濟瀆廟神座下湧泉殿前環五色魚池
八諫山在縣西南六十里下有八諫水 長平之役趙
軍中有八諫而死者故名

石佛山在縣南七十里高四十丈盤踞三里上有石佛
殿

南泉山在縣南七十里高百八十大盤踞十里北山凹
爐平溝湧泉流入八佾河

玉泉山在縣南七十里高二百六十大盤踞八里

天臺無影山在縣西南二十里高六十九丈盤踞二里

四周平坦日出入胥無影土人傳媧皇煉石地名望
兒臺

五定山在縣西南二十五里高九十丈盤踞七里

牛王嶺在縣西南二十五里高百八十大盤踞四里

黎侯嶺在縣西南三十里高百九十大盤踞六里黎泉

出馬有黎侯亭

郡胥石山獨
嶺為土山

秀巖山在縣西南四十五里高六十八丈盤踞五里

紫沙嶺在縣西南五十里高百八十八丈盤踞八里南山

坡連長子縣界

石泉山在縣西南五十里高七十三丈盤踞五里

團山在縣西南五十里高百八十八丈盤踞四里西連長

子縣界

興龍山在縣西南五十五里高一百十大盤踞十里

秦洪山在縣西南五十五里高四百丈盤踞二十二里

聖皇嶺吳山在縣西南六十里高百五十丈盤踞八里
圪堆嶺在縣西南六十里高五十丈盤踞一里

羊腸嶺在縣西南六十里高百六十五丈盤踞四里

福泉山在縣西南七十五里高二百五十丈盤踞十四

里巔有福水禪院

首陽山在縣西南七十五里高五百十丈盤踞三十五

里南山坡隸高平西山坡隸長子有泉水

北珏山在縣東北十二里高七百五十五丈盤踞十三

里東北連平順山東連壺關山北連潞城界南連百穀山五里

大獎山在縣東北十五里高二十五丈盤踞二里北山麓連壺關界

大凹山在縣東北十五里高五十大盤踞二里

馬駒山唐志上黨有馬駒山

淘水在縣東南八十里源出雄山東坡北流合淘清河西至長子界入漳水 水經注淘水南出南陶北流

至長子城東西轉逕其城北至沙河口東注於漳水
黎水在縣南二十五里源出黎侯嶺北流至城西土人
名黑水河合石子河西入漳水

故城水在縣西南十六里源出潞之故城土人名破城
北流二里合石子河

龍潭在縣西三十里一名金龍池

漳水濁漳自鹿谷發源東流經縣治之南又東入長子
界折而北經屯留潞城界入襄垣至縣治東北隅又

折而東入黎城界掠潞城之北東入平順界出太行
漳義口達河南彰德府界合清漳又合衛北流直達
天津 王致中詩序乘便游發鳩見泉源清而且冽
石子河繇壺關北界經縣境百穀山峽西南流環城西
北下胥亂石又南會黑水河經暴河頭入漳水凡五
龍山東及壺關東北之水胥匯此洪濤聲聞數里

百穀泉在百穀山神農廟前砥石湧泉寺僧引為伏流
注為塘由螭口飛下大壑味甘雖旱不涸一名神農

井上黨記炎帝廟西五十步石泉二所一清一白味甘美呼為神農井

淘清河自壺關南界入縣境經高河鋪繇西南二十里楊暴村流至西北暴河頭入漳水凡長治東南山外及壺關南界之水胥匯此西流至雄山北麓入淘水土人名淘金河

雞鳴水源出雞鳴山會雄山東南隅之水北流入八諫水達漳

八諫水源出八諫山會碓山西南隅之水北流合淘水
土人名西火河

山水河 無本潦則繇五龍山奔趨而來環繞南關
首陽山泉流入師莊鎮經橫嶺入漳水

玉露泉 甘泉 元晉陽張瞻甫知潞州重建德風亭
亭前出泉二一日玉露泉一日甘泉

聖泉在蓮華池東十餘武

國朝康熙元年湧出中多細鱗色似金

長子縣

發鳩山在縣西五十里高二百八十八步盤踞三十一里西至橫水村十五里東至川口村九里水經濁漳水出上黨長子縣西發鳩山水經注出麓谷與發鳩連麓而在南淮南子謂之發苞山故異名互見也左則陽泉水注之右則散蓋水入焉三源同出一山但以南北為別耳正義刁黃鹿谷二山壯鹿也王鑑禹貢考有四星池是謂靈湫為漳水之源其

山蒼秀挺聳諸峯四面如列屏然鹿谷其別名也

宋王太定靈湫廟額記縣之西四十里有山曰發鳩其麓有泉漳水之源也有神主之政和元年夏禱於祠下未二日雨霑足勅名靈湫廟 邑人安寶刻鳩

山勝蹟三卷 山海經發鳩之山其上多柘木有鳥焉狀如烏文首白喙赤足名曰精衛其鳴自設是炎帝之少女名曰女娃遊於東海溺而不返故為精衛常銜西山木石以堙東海漳水出焉東流注於河

上黨記屯留有鹿谷山濁漳所出有余吾城在縣西北三十里發鳩隸長子鹿谷隸屯留是析為二山也
地形志有廬山濁漳出焉是發鳩一名廬山也

梁山在縣東南二十里高一里盤踞二里半東至長治界一里山下有梁水

慈林山在縣東南三十里遞高五里盤踞十里東連紫雲山十里山有一峯 宋龍圖閣學士太康侯王益柔有慈林寺碑元豐四年立

紫雲山在縣東南四十里遞高三里盤踞十里接慈林壺口山唐瑞應錄明皇別駕潞州時與郡僚宴壺口遙見羊頭山西北紫雲朝拱因名曰紫雲山一說壺關山東北現紫雲云

慶雲山在縣東南五十里遞高一里半南至高平界一里連紫雲山相傳堯時五色慶雲見此

羊頭山在縣東南五十里遞高五里盤踞五里東至長治界南至高平界胥五里一峯最高上有石形似羊

頭 地形志羊頭山下神農泉北有穀關即神農得
嘉穀處 山下有穀泉 章懷注羊頭山在上黨郡
穀遠縣 金志有羊頭山發鳩山堯水 漢永初五
年羌寇河內侍御史任尚擊於羊頭山破之誘殺降
者二百餘人為罷孟津屯 上黨記長子關城都尉
所治令狐徵君隱東山中去郡六十里即壺關三老
令狐茂上書訟戾太子者也茂即塋其山又云穀遠
有羊頭山沁水所出

丹朱嶺在縣南二十五里嶺南十五里為高平界 舊
志稱丹朱陵 山海經蒼梧之山舜葬於陽丹朱塋
於陰括地志丹朱故城在鄧州內鄉縣而內鄉亦有
丹朱墓九域志鄧有丹朱冢相州之永和鎮又有丹
朱陵山西浮山縣為丹朱食邑而平陽府及陽城縣
皆有丹朱墓府志辨疑曰陵為水溜其中甚大有古
器非唐虞制大類秦漢以下物此必堯暄父子之墓
而誤以為丹朱陵也或又曰嶺土皆赤色故名丹朱

嶺 丹朱城相傳丹朱築縣治西南今廢址少存

唐十道圖堯長子丹朱所築古長子縣治在此後燕
慕容垂修築 朱虛有丹山丹水出焉東丹西丹二
水近有長阪遠峻謂之行軍陂古記傳為丹朱蹟
明王世貞適晉紀行過長平為丹嶺復上下險阻可
三十里而稍平

江豬嶺在縣南四十里高平界即丹朱之南嶺也

潛山在縣西南十五里遞高二里盤踞三里巔有堯廟

傘蓋山在縣西南五十里高二里盤踞三里南至沁水界二里一峯團垂形似傘蓋有傘蓋水

白佛頭山在縣西二十五里高二里盤踞一里半西至發鳩山二十五里有雍水 巔有白石形似佛頭九臺峪在縣西二十五里

化師山在縣西三十里舊名古丘所謂丘山落然也唐時有僧化此故名

方山在縣西六十里遞高十里盤踞十五里東至發鳩

山十里南至沁水界十里西至岳陽界二里北至橫水村三十里乃潞安府之西界也越山為岳陽草峪嶺有秦水禹貢錐指方山一名盤秀

刁黃山在縣西五十里

洹山在長子縣洹水出焉

梁水發源梁山下東北流十五里出境合濁漳水經

注漳水東會於梁水水出南梁山北流至長子縣故城南竹書紀年曰梁惠成王十二年鄭取屯留尚子

沮尚子即長子之異名也梁水又北入漳水

神農井在縣東南五十里羊頭山下後魏風土記曰上黨羊頭山有神農井

蓮花池在縣南七里南李村西

五龍泉在縣南十六里曲流十五里入濁漳 風土記
慕容永據長子時以長治五龍山瑞應與泉相望故名

堯水在縣西南十三里發源潛山堯廟東北流五里經

故城南入濁漳 水經注漳水又東堯水自西山東北流逕堯廟北又東逕長子縣故城南周史辛甲所封邑也春秋襄公十八年晉人執衛行人石買於長子即是縣也秦置上黨郡即此 五朝志長子有濁

漳水堯水明一統志作澆水

按水經為堯水因堯廟故云今志亦稱長子有

堯水明志作澆水譌

濁漳水源出縣西五十里發鳩山流經刁黃村石哲鎮南李村至縣南五里東北經交李村漳河神村隸縣

境凡五十里入長治西南三十里名濁漳又經屯留
至潞境西十五里交漳村與絳水合流名漳水至襄
垣西南十里甘村合沁州所出漳河又至縣東北三
十五里合武鄉漳河東流經黎城縣東北二十餘里
入河南林縣界與清漳水合 括地志漳水一名濁
漳水源出潞州長子縣西刁黃山 地理志濁漳水
在長子鹿谷山東至鄴入清漳 唐奏議漳水能獨
達於海請以為瀆 章懷注水經曰漳水源出上黨

長子縣西發鳩山東北至昌亭與潯沱河合 清濁

二水下流至武安縣南黍窰谷合流為交漳口東過

列人南經斥丘北繇斥章曲周鉅鹿諸縣入於滏遷

徙無常相傳南不過衛北不過滏今徙而南在肥鄉

縣境 水經注濁漳水出上黨縣西發鳩山東過其

縣南又東逕屯留縣南屈逕其城東絳水注之又東

逕壺關縣北

長治縣東南有壺關故城

又東北逕潞縣北又東逕

武安縣南

今彰德府武安縣西南有武安故城

清漳水自涉縣東南來

注之謂之交漳口

今涉縣西北有涉縣故城

又東出山逕鄴縣西

至斥漳縣南尚書所謂覃懷底績至於衡漳者也胡
渭錐指河由鄴東而北漳從鄴北橫流至肥鄉斥漳
二縣界入河故鄴氏以為禹貢之衡漳也今漳至涉
縣與濁漳合流東經安陽臨漳又東北經直隸成安
縣入肥鄉曲周二縣界禹貢之漳洚盡於此矣水經
注所叙自平恩以下曰漳曰絳皆後起之名非禹貢
之漳洚也 錐指河自宿胥口

濟縣南

至列人斥漳之

境左會衡漳經所謂北過泆水也自此東北入海及
周定王時河南徙則衡漳東出循河故道而下至東
光縣西與大河合王莽時河益徙而南漳水遂專達
於海故斥章以下水經通謂之漳水東北歷平恩曲
周鉅鹿經縣南宮堂陽扶柳信都昌成西梁桃縣鄆
縣下博樂鄉武強武隧武邑東昌弓高阜城樂成建
威成平浮陽至章武平舒入海今言為彰德府之安陽
臨漳廣平府之成安肥鄉曲周順德府之平鄉廣宗

鉅鹿正定府之南宮新河冀州保定府之東鹿又正
定府之深州衡水武邑武強河間府之阜城獻縣文
安滄州青縣靜海天津夫黃河經流爾雅謂之徒駭
然則漳水即徒駭也 王莽始建國三年河由千乘
入海漳自章武專達於海而絳水洹水淇水蕩水青
水胥入漳 宋時河分北流東流永濟渠即清河也
自入北流而漳至乾寧軍令青縣南合口入北流至
今天津北三汊口入海 明正德十五年又自安陽

決而南東入衛水

衛水即淇水

衛水又東北至臨清濟會

通河是正德十四年以前漳水未能濟運自繇故道入海衛水之力亦少分於漳水至十五年後而漳水趨三汊口故道始絕克以全力濟運也

黃黑白三龍泉在縣西二十五里九台峪西

靈湫泉在縣西五十里發鳩山下濁漳之源也上建靈湫廟禱雨多應池有魚曰鰕色青黑祭訖投羹饌羣出就食邑少魚惟池有之人莫敢取傳為神鮒

雍水在縣北一里源出佛頭山東流三十里經坡底村
李莊村董村至長治合濁漳

藍水在縣北二十五里發源屯留縣之盤石山東流二
十里經縣北嵐水村合漳水一名嵐水有石橋在北
三十里 抱朴子尾生與婦人期橋下水至不去以
致溺死因名其橋為尾生橋

陶水地形志有泉北流至陶鄉名陶水合羊頭山水北

流入濁漳

當即
堯水

傘蓋水源出傘蓋山下東北流五十里合濁漳

古名散蓋水

秦水源出方山南流十里經沁水縣東端氏鎮合沁水
長灣水地形志長灣水東流至梁川北入濁漳

洹水源出上黨長子縣洹山東流至內黃縣入白溝水
經注云爾

屯留縣

良材山在縣東三十五里高二十五丈袤二里周七里
山面南多材木

疑山在縣西南九里高三十大袤一里周三里山面東南 玉海後魏孝文帝幸潞州見山有伏龍之勢疑而不進遂斷山東麓以厭之因名疑山後唐明皇自潞興其應也 地形志屯留有疑山

鳳凰山在縣西南二十里高三十五大袤一里周四里面南形似鳳上有雲影寺 地形志鳳凰山一名天冢山

盤秀山在縣西南九十里主峯高四十五大袤二里周

七里山盤踞百餘里西南連長子慶雲山北連沁源
綿山山面南一名盤石山 巖岫盤曲孤峯峻削藍
絳二水出焉 地形志寄氏有盤秀嶺藍水出其南
東流入濁漳 金志屯留有盤秀山絳水

紅嶺絲嶺陟盤秀嶺

蓮花岡在縣西十里綿亘四十餘里起伏迤邐邑之屏
障

八仙臺在蓮花岡西

紫荊山在縣西十五里開壁峪 明王世貞適晉紀行

午飯余吾驛復陟高嶺至數重四望皆山雲日映帶
如萬玉雉疊嶂高低作銀海衝濤決排狀已黑雲從
東南至大雨驟降道路幾絕嵒岨輕輿中下見數足
蹣跚旁皆絕壑乃知浮滄海帆長江車太行道以危
身借快目不易也

霜澤山在縣西五十里高二十八丈袤一里周三里山

面東南地高霜早

祝志在西
南九十里

田石山在縣西八十里高三十三丈袤一里周四里面北北至田石村脈繇盤秀來陡開巨嶂松殊鬱茂

三峻山在縣西北四十五里遞高三十里盤踞三十餘里三峰巍峻一名徐陵山一名麟山一名靈山相傳為羿射九鳥之所下有三峻水唐志屯留有三峻

山宋崇寧間賜廟額封羿神為靈貺王歲以六月六日有司致祭縣舊志許慎曰羿堯時射官非有窮后羿也淮南子堯使羿射九鳥於三峻之山殺

九嬰於凶水之上繳大風於青丘之澤 疏仡紀唐
時有冥窳鑿齒九嬰十日大風封豕長蛇之害民罔
攸止帝於是擇兵稱旅屠長蛇於洞庭射十日繳大
風於青丘殺冥窳禽封豕於桑林殊鑿齒於疇華之
野戮九嬰於凶水之上而後萬民復生 羲和君之
子曰十日 屠直三峻山碑石磴嵯峨丹梯嶙峋龍
盤曲折鳳嶺紆迴赤霞偕黃鶴齊飛白雲與青松疊
峙舊有廟名三峻山之神宋崇寧間封顯應侯 長

治志舊志以為湯伐三嶮非也

浮山在縣北三十里高二十七丈袤一里周三里山面
南高聳似浮上建禹王廟

石聚山在縣東北二十里高二十二丈袤一里周三里
山面南元至正間建石聚佛寺

上黨谷

黃沙嶺地形志屯留有屯留城有邁澤黃沙嶺余吾城
三想山地形志寄氏二漢為猗氏北魏景明元年復改

有猗氏城三想山上黨谷有方山伏牛山

方山見地形志

伏牛山潘炎黃龍見賦序景龍二年秋九月五日黃龍
見於上黨伏牛山之南岡留久之又黃龍再見賦序
景龍三年六月十五日黃龍再見於牛山

三槐山地形志也留陽水源出三槐山東流合車臺水
東南入絳水

望天嶺地形志樂陽普泰中分長子寄氏置有望天嶺

絳水所出有堯廟

鹿瀆山通典有鹿瀆山絳水所出

金龍池在縣東南三十五里康莊村東西廣南北狹約五百畝有奇水光清澈

龍構井在縣東南十里宋村東深二丈禱雨多應

嶷水在縣西南九里源出嶷山東南麓流百步許伏至縣西南一里復見流一里又潛伏入絳水

雞鳴水發源縣西南十五里杜村東北入絳水

高麗水在縣西南七十三里源出沁源縣高麗村東流
十里至縣境張店村入絳水 晉地理志高麗水在
屯留縣西七十三里出沁源高麗村

蒲谷水在縣西南七十三里源出荒草溝村東流八里
至張店村入絳水 地形志寄氏有水源出蒲谷東
南流入絳水

絳水在縣西南八十里源出盤秀山陰八泉村郭家灣
經田石張家百盛棘侯寨何五灣至西連口又經西

河陳家郭莊宋渡呈寺五灣隸縣境一百十里 八
泉競湧流瀑如珠流經縣治北東流三十里入潞城
交漳村合濁漳 史記正義絳水源出潞州屯留縣
西南方山東北 後漢志屯留絳水出 地形志絳
水自寄氏界來入濁漳因名交漳 文獻通考金志
胥云屯留有絳水 綱目集覽絳源出潞州屯留縣
西南方 水經注漳水東逕屯留縣南又屈逕其城
東東北流有絳水注之絳水西出穀遠縣東發鳩之

谷謂之絳水西出穀遠縣為藍水東逕屯留縣故城南故吁子國也潞氏之屬春秋襄公十八年晉人執孫蒯於純留是也其水東北流入於漳故桑欽云絳水屯留西南東入漳李鍾奎絳水辨六月六日卜連口棹舟遡流而上絲蓮岡過八仙臺歷東西兩陽迤西折而南烏塌渠直上紅嶺曲折而下七八泉望之有翠嶂插空盤秀山也山下泉八出淙淙有聲湛若冰壺已度石梁迂回三里赤霞壁盤曲陟嶺怪松

萬壑奇鳥千啼是夕宿小蘿菴明日沿流下十里如
藍過紅嶺三十里如丹又烏渠而東陽七十里兩水
合交半潁半緇土人名紫龍灣又明日放艇而東百
里浪湧沙翻有若奔馬旋至八仙蓮岡水愈急色亦
緇直經商山背折而北地漸濶水漸平不二里至連
口地理志信都下云故漳河在北東入海禹貢絳
水亦入海蓋縣北故漳即禹河之故道而絳水出其
南則漳水之徙流酈道元所稱絳瀆者也班固以為

禹貢之絳水謬矣其後漳又復北道而絳瀆無水故唐人謂之枯絳

八泉水在縣西南八十里東流為絳水 地形志寄氏有八禮泉

藍水在縣西南九十里源出盤秀山陽流經長子縣東北十九里長治城西南二十里入沁源道書名福地通考潞有藍水

神女泉在縣西北二十里源出二神頭村層崖上西行

六里至寨河村東口入三峻水

三峻水在縣西北三十五里發源三峻山下東流三十
二里至連村入絳水 文獻通考輿地註胥云屯留
有三峻水又有三梭水通考云在屯留當即三峻之
譌

張厚泉在縣北二里圍三大深倍之土人稱龍潭禱雨
輒應

神惠井在縣東北四里郭莊村孔圍四寸深二丈有奇

泉源莫測疾者飲之多愈

馬跑泉在縣東北二十里發源石室村東流十里入絳水

積石水在縣東北二十五里南許莊發源石聚山下東流五里入潞城界合濁漳

龍泉在縣東北二十五里井周一丈禱雨多應

陳水水經注漳水又東陳水注之東經屯留縣故城北陽水地形志陽水之源出三槐山東流合車臺水東南

入絳水

襄垣縣

黃巖山在縣東三十五里高六十丈盤踞三里西南連鹿臺山石色黃巖下杳邃山麓有龍王廟

百穀山在縣東南二十里長治界土厚石疎百草叢生南峰在縣南十二里峰上寺後有涼樓傳為元察罕納延太師河南王避暑地

五陽山在縣南十五里山有五峰

鹿臺山在縣南二十里高百三十丈盤踞八里東連黃
巖山十五里巔有文王廟 水經注漳水歷臺山與
鞏水合 地形志建義有鹿臺山及祠 五朝志襄
垣有鹿臺山 金志襄垣有鹿臺山涅水漳水 劉
龍詩沃壤似枰山下展人家如畫水邊居

五攢山在縣西南七十里高七十丈五峰環立盤踞三
里南連屯留三峻山五里中為南北往來之衝

桃林山在縣西十里舊多桃上有香巖寺寺後浮圖九

層元季風折其半

獅山在縣西四十里九龍村東又名九龍山高一百十丈盤踞四里西連紫巖山十五里 劉龍詩注邑西有九流山有峰聳出似獅子夕陽返照宛有生態真偉觀也

紫巖山在縣西五十五里色紫一名寶峰有麻衣洞深一里 麻衣僧後周綿上人修真紫巖山洞募建寶峰寺著相書金鎖賦銀匙歌行於世 劉龍寶峰詩

注紫巖山有古寺曰寶峰與晉虎祁宮址相近雪霽
紫氣輝映景尤明麗

小虎丘山在縣西北三十里迴轅店東南隅有泉 魏
孝文帝幸洛於此迴轅秋冬之交楓葉滿山殊為清
麗

松石林山在縣西北三十里莊裏村峰秀松茂下有清
泉 上黨記邑帶山林茂松生焉

二仙港在縣北十里樂氏二仙女廟前有石池深冽

李勇二仙祠記坎方十里有山裒然崛起名曰白石
梯西有大谷蜿蜒屈曲將數十里其高下之勢呀然
窪然若垤若穴其整峻之狀白石齒齒懸崖峭壁其
石負土而出突怒偃蹇其潭黛蓄膏渟清冽甘寒傍
有一區石平土厚坦夷爽塏二仙祠建焉

韓王山在縣北十五里高九十五丈盤踞四里山殊迥
秀上有韓王廟 劉龍韓山詩注韓山在邑城北有
峰秀出諸山之表鬱然陰森暑中望之輒有寒色

五陰山在縣北二十里一名神頭山 明一統志相傳

周公嘗至此陰霧五日又傳魏孝文帝至此天地陰

暗五日慕容赤土剖心祭之天日復明 長子志赤

土慕容永之後隋文帝時為左金吾將軍

按諸說多傳為五陰

山實五音山也地形志鄉郡襄垣有五音山神祠

錯上洪山在縣北三十里山峰叢雜稱名滋錯

九仙峰在縣東北三十五里土人傳雲映峰岫若有九

仙立其上云

筆頭峰在九仙峰西形似筆頭產筆頭菜

趙王山在縣東北四十里高一百十五丈相傳趙襄子

寓此又石勒屯兵有遺蹟上有趙王廟

仙堂山在縣東北五十里高一百七丈盤踞七里東

南連黎城龍洞山四十里西北連武鄉朱家凹十里

勢巍林密有泉 劉龍詩注寺之北山高千仞許西

有巖巖中有洞列觀音羅漢像深入十餘丈東有閣

相傳有石闌已毀惟斧鑿痕存蓋昔之藏經處也故

識之 寺殿三佛其左為鐵佛座前井二泉極甘美
寺前南崖有龍洞中有五色雲氣若繪畫然石柱中
立有鱗甲若龍盤繞狀其下有九折石渠渠內有水
西為講經壇有人面石取月梯醉雪石入山十里有
水巖泉瀉有聲 山堂肆考仙堂山在山西潞州襄
垣縣山勢巍巍上有龍洞及仙堂寺 趙三麒游記
東堡馳十里至大石坡歷棗凹又五里抵枰上越南
橫山復西折斜貝嶺十五里上虹嶺東有甘花南有

賢亭兩山重嵐隱豹數盤至巔登望仙岡既陟復降
懸岸千仞五丁半天開徑為捨身崖復行二里棧腐
中斷結衆衣帶綰而下十八轉始得石葉稍平出險
抵寺佛座前各面一泉殿外二泉又名五泉寺寺外
四匝石純青中為獨秀峰亦曰翠微西北接天井山
可望不可及絕壁潮音洞外砌重臺天將暝止僧舍
旦西向琉璃洞洞口長石猶龍鱗甲生動上下四壁
作玻璃色一石佛水出於臍西羅漢石亦名饒鉞洞

遂過硃砂洞傳有樵者鍊大還仙去折西有人面石
班荆命酌明日南入石弄澗穿百樾中至下橋基又
五里抵漳河大峽即齊高歡隔岸拜爾朱兆處 琉
璃洞一名琉璃巖潮音洞一名觀音洞上有仙堂寺
山岡有琉璃巖巖中有石似人又有石九圈似車輞
環水輞中旱澇不涸不盈前生石子藥丸去則復生
龍洞山在縣東北七十里黎城界洞深百里有竒入遼
州境相傳昭澤王修真於此禱雨輒應

仙人洞玉海唐明皇別駕潞州時襄垣北有地忽開十數里因名仙人洞

強記嶺明劉龍有登強記嶺詩

漳水源出長子縣發鳩山經縣境南又東入長治縣界折而北經屯留潞城界共百五十里至縣南二十里鹿臺山下北流十里至甘村莊又西漳水土人名付壁河繇褫亭入縣界東流六十里至甘村莊匯漳水環流城東北五十里至段堡村入黎城縣界楊家莊

河源一出長子發鳩山一出沁州漳源村胥流入
縣南十里合為一絲東而折復環縣之西北至明嘉
靖時決之東北不復西包郡守劉復初復之萬厯時
復引東去河道終不復舊矣 水經注漳水又東北
流逕襄垣縣故城南王莽之上黨亭 劉龍漳江詩
注水在邑城東環抱而流春時清淺可渡河東村落
往來城市渡者甚衆 潘炎漳河赤鯉賦序景龍三
年春二月上巡屬縣至於襄垣漳水有赤鯉躍

雍子水在縣南四十里源出西十里雍子村東流二十里入漳水

石泉水在縣西四十里有石泉又西十里有暖泉匯流一里入漳水

甘羅水在縣西北十五里東流至縣北關橋一里入漳水東北楊村有甘羅廟一名甘泉水 王思誠過襄

垣詩甘羅山水汨汨幾千秋 劉龍詩注城西有

甘泉村甘泉湧出琤琤然若玉佩之聲最甘美可愛

湟水一名小漳水在縣西北六十里源出沁州覆甑山東流入縣境北下良鎮三十里至邯鄲村入臨水至縣南合濁漳

史水在縣西北六十里源出武鄉縣三史村入縣境史屬村東流屈曲三十五里至水碾村合臨水

臨水在縣東北四十里源出榆社縣八賦嶺繇武鄉縣入縣境西營鎮東流四十里至段堡村入漳水

鹿哭泉在縣東南李信村唐有人生子左臂一目怪而

棄之鹿隨乳馬後人收去鹿因失之遂滴淚成泉
下谷水源出西十三里李谷村東流十三里入漳水

潞城縣

伏牛山在縣東十五里高百八十丈長五里周十二里
邑志相傳神牛食田禾晝伏夜出後神逐牛入山
遂不復出 地形志刈陵有伏牛山 玉海唐中宗
景龍間明皇上黨別駕黃龍曾兩見於此潘炎作賦
以記其美

葛井山在縣東南二十里高五百二十四丈長二十五里周九十四里相傳葛洪師事鮑元煉藥於此巔有葛井今在圓寂寺

蓋井山在縣東南三十里巔有泉石覆於上

廬山在縣南五里高六百八十五丈南連大禹山上有

廬醫廟

大禹山在縣南十里高八百九十三丈北連廬山南連長治柏谷山上建廟邑人申仙遇葛仙翁於大禹山

授太陰鍊形之術後祀城東二里白鶴觀 周穆王
召尹軌杜冲居終南山尹真人草樓之所因號樓觀
隋大業中改曰元壇尋復曰觀 志樓觀必著終南
山志白鶴觀必著大禹山從其朔也他倣此

無影岡在縣南十里高三丈長九十丈周二里突起一
丘形肖覆釜日照無影

三垂山在縣西南二十里高三百五十二丈袤九里周
二十八里有三阜 金志潞城有三垂山伏牛山潞

水漳水

鳳凰山在縣西北五里高三百三十二丈長十二里一名天冢岡相傳神農時鳳凰巢此地
地形志屯留鳳凰山一名天冢山是天冢古屬屯留也

龍山在縣西北二十里高三百五十九丈北連馬鞍山
連鳳凰勢曲巖峻

馬鞍山在縣西北五十里高九百八十二丈南連龍山
北連風洞名小馬鞍山黎城縣西南三十里名大馬

鞍山

風洞山在縣北四十里高七百二十一丈長五里北連漳水上有石穴

微子嶺在縣東北二十里高二里袤十里盤踞二十五里上有三廟下有微子村相傳微子封此

黃阜山五朝志潞城有黃阜山

潞水在縣東四十里源出微子城至西流里合漳水

闕駟十三州志有潞水為冀州浸即漳水也 水經

注闕駟曰有潞水為冀州浸即漳水也

按燕書王猛與慕容評相

遇於潞川也郭固山泉潞水與軍入絹匹水二石上黨無他大川可以為浸所有巨浪長川唯漳水耳故

世人亦謂濁漳為潞水矣

水經注云潞水即漳水然潞自有源流

合漳水合後稱潞

玉海唐明皇為別駕時逐鹿於

河鹿迫而入因逐之水不及鶚應弦獲鹿後騎入者

溺焉潘炎賦之

上黨記潞濁漳也縣城臨潞晉荀

林父伐曲梁在城西十里今名石梁潞縣故城在潞

城縣西又東北八十里有黎城臨壺口關至建安十

一年從洶河口鑿入潞河名泉州梁以通於海 楊
升菴曰冀州之浸曰潞有東潞西潞東潞今之張家
灣潞河驛西路山西之上黨猶雲夢有南夢北夢潞
水有南潞北潞漢水有東漢西漢也 西流渡土人
相傳日夕時輒有神人乘流而渡

交漳水在縣西南三十里濁漳水與絳水交流故名濁
漳經屯留史河村至交漳村入縣境繇下舍至安昌
折而東流至安居又折而北至曹家溝入襄垣境自

襄垣東流至縣北馬鞍風洞山下東南經石梁至潞
河流入平順境 水經注漳水東北流有絳水注之
地形志絳水自寄氏界東入濁漳因名漳 山堂
肆考潞州潞城縣西有交漳村濁漳水與絳水至此
交流故名交漳 石梁東北五十里荀林父伐曲梁
即此橋今廢

翟店渠水在縣南十里山水侵田築堤而渠入漳水
枯河在西門外二十步雨輒溢城下

養生井在縣北行村

黎城縣

東順山在縣東十里以勅祀龍神名

磨菇山在縣東神山東北半里形肖磨菇

啓明山在縣東十里一名晴山

大乘山在縣東南八里

潞祠山在縣東南十五里上有潞子嬰兒祠

風洞山在縣西南十五里漳水之陰遞高一里盤踞二

里南連馬鞍山山隸潞城地而洞口隸城界

五仙山在縣西南二十里五峰似人形

聯珠山在縣西南二十里遞高二里盤踞三里西連嵐山山自西北延抵漳陽石巔漫突如珠

馬鞍山在縣西南三十里遞高二里盤踞三里南接潞城縣以形似名

嵐山在縣西二十里遞高一里盤踞二里西連廣志山有龍井泉禱雨輒應 嚴祀五龍廟記黎城境內西

去縣五十里鰲山有蒼龍又五十餘里龍阜山有昭
澤龍西北二十里有嵐山龍北去百二十里有石圀
龍相望五里間有蜡岡龍皆能出雲興雨而最靈異
者昭澤也

廣志山在縣西三十五里遞高十里盤踞五里陟嶺望
見百里西北接武鄉西南接襄垣一名王至山

山高而狹

峰巒峻峭

鰲山在縣西五十里一名蒼龍山

礪峪山在縣西七里有洞深六七里洞中有池深不可測不溢不竭洞中產鍾乳石

玉皇山在縣西北二十里遞高五里盤踞二里東接涉縣上有三皇廟

信山在縣西北三十里遞高二里盤踞三里北連石老山隅峰峻削山麓有泉常盈不涸一名汎山

橫山在縣西北三十里亘嶺懸崖西北屏障

石矧山在縣西北六十里高二里盤踞三里石矧立肖

人一名望夫山下寨村土人名石婆兒山牛居莊有石老兒山 水經注漳水又東北歷望夫山山之南有石人竚於山上狀有懷於雲表因以名焉

九龍山在縣西北六十里九岡似卧龍有九龍山寨

積布山在縣西北六十里山形似積布 地形志刈陵有積布山

曬布山在縣西北七十里相傳高辛時三仙女采不灰木織火浣龍鬚之布以供仙裳崖有巨石類盥盆名

裝臺石

隴阜山在縣西北百里山半有昭澤龍洞深數十里入
洞十尋有池四胥深數尺又後有方池深不可測側
立戲水石牛二又後三池胥有水又後為水洞瑩映
晶杳人莫敢入唐昭澤王焦氏棲此 通志龍巖洞
在武鄉縣東百里襄垣志龍洞在縣東北百里黎城
縣界胥指昭澤洞也

白巖山在縣北十五里遞高一里盤踞三里北連信山

山半有朱喙巖巖有穴穴口絳色齊神武帝與爾朱榮率衆北望神武指巖曰此是天蟒口啟絳色主殺人可塞之居人塗以堊遂名白巖 水經注漳水於是左右黃須水口水出臺壁西張譚巖下世傳巖赤則土罹兵害故惡其變化無常恒以石粉汙之令白是以俗名之為張譚巖其水南流逕臺壁西又南入於漳

箕山在縣北八十里彭莊許由墓在曬布崖下 平陸

遼州正定登封東昌濮州諸地皆有箕山汝州有洗耳河東昌有巢父墓當陽有箕山洗耳河附志以備

考

蜡岡龍山在縣北一百十里

石圉山在縣北百二十里一名龍山

曹莊北山相傳魏曹義攜妻子遁此立魏武廟云

金牙山在縣東北二十里高三里東北連玉皇山黎城

山惟金牙最高夕陽尤晶瑩上有北極廟

鳳凰山在縣東北三十里新村相傳神農時鳳棲此

吾兒峪在縣東北三十里古志黎侯城東北十里即三

老令狐茂故地其形似壺踰東陽五里即吾兒峪

卧牛峰在縣東北三十里長寧村有磐石寨形似卧牛

繡屏山在縣東北三十里長寧村遞高三里盤踞五里

東連金牙山列屏錯繡元至正二年正月朔李仙姑

嘗蛻於繡山巔云

桃花山在縣東北五十里有桃花寨山半多桃

懸水崖在縣東北八十里安居村崖懸百尺高廣象室
石無隙水滲石膚入潭上百千點下百千聲踈似秋
雨滴潭不涸居人胥飲此

壺谷漢靈帝時諫議大夫劉陶上䟽上曰方今三郡之
民皆已奔亡南出武關北徙壺口 章懷志三郡河
東馮翊京兆也壺谷壺關之谷在上黨也

松門嶺五朝志黎城有積布山松門嶺

銅山唐志黎城有銅山

東河在縣東半里

南河在南關外寢北凌城

濁漳水渡在縣南二十里繇潞城縣西北界流入縣境

東流橫經百里又東南流入潞城東北境

落水澗 漳滙而東水倏落危懸數百尺

西河在縣西一里雨始成河

龍井在縣西十五里嵐山下禱雨多應

焦公馬跑泉在縣西七十里

田溪在城北源出嵐山伏虎郊丈許輒伏至溪菇出委
注東河以達於漳一名小河水尤清激

玉泉水在縣北五十里原泉村山下有三石竅水湧出
合流入涉縣界匯清漳 金大定間道士闕安道鑿
山趾為三孔水由孔出別派合流水中孤石秋濤屹
峙

潁水在縣北七十里乃小溪也

清漳水在壺口關北繇吾兒峪入涉縣界 水經東過

涉縣西屈從縣南 水經注按地理志云魏郡之屬
縣也漳水於此有涉之稱名因地變也 清漳入豫
涉縣境濁漳入豫林縣西北境胥東至林縣合流經
安陽磁州臨漳館陶界入衛河衛河源出蘇門山東
流合淇洹滏諸水東入衛輝府濬縣界
靈原聖井在縣東北二十里

壺關縣

紫團山在縣東南百六十里高二十五里盤踞二百二

十里連太行山接林縣界古紫團真人修真地龍眉
子引仙詩以為金丹口訣焉有翠微洞洞前有白雲
潭巔常有紫氣團團如蓋山麓瀑布如噴玉如垂虹
溪如環如箭深谷之中有殷雷絕巔之上有烈日昔
產紫團參後絕 元致和中王宋輔道三十六景詩
有迎暘峰倚秀峰碧蘿峰老人峰金屋山鷓尾山天
杠磨崖山仙翁崖東華表西華表濯纓溪南極園駐
雲亭 張鐸紫團八景詩序王輔道詩刻半存得景

二十有二取其尤彰彰者列為八景橋樓淙

去聲即輔

道之仙翁崖也雲蓋寺即駐雲亭也照壁山即屏牆

山也倚秀峰乃照壁前山最高而秀者輔道所著今

名無稱焉參園即南極園昔有傳服參飛仙者本草

亦品紫團參為上今園已墾而田矣濯纓溪輔道所

著名磨崖碑舊名與今同將軍峰東西二華表也詩

招提依絕壁門拱二將軍周一梧記又有二仙翠

微二洞白龍潭白雲崇雲雲蓋三寺又謂紫團山峭

拔翠聳俯瞰雲烟中間瀑布流泉霞城洞府求之海
內不可多得諸刹又創自隋唐而雲蓋先為墜崖所
壓僅得磨崖一碑至慈林有輔道三十六詠而已亡
其十四舟車已通人跡罕至地主乏九方之識而山
靈負鹽車之泣此語殊悲宜勒山銘 栗應宏遊紫
團山記穿林木而上十里及慈雲寺觀元人三十六
景詩碣遊慈雲石磴硃屈攀巖而下為雲蓋寺山勢
四壁巉兀西連王屋東俯林慮諸峰南北相拱帶跨

青蓮白泉之勝為太行樞要復絲東峰入屏山遮地
即為參園歷西筆峰復西轉觀瀑布采藥飲泉而歸
數日復陟西峰石局 雲蓋峰在紫團山以雲蓋寺
名又山畔有慈雲寺晉唐時名刹 翠微洞紫團真
人而壁地也洞口劣容一人偃偻入轉身而下側足
而行高低寬隘倏變山水與人間無異水源如縷如
綫如盞如碗石髓上騰為鍾乳如栴檀葡萄穗垂地
如玉柱巨至合抱坐如瞿曇立如阿修羅虎豹游龍

閃爍變幻旁穴岐徑旋轉即迷深闇或燭不能燃莫窮其際相傳直透太行外數百里云 鳳臺山在紫團山西二十里樂氏二仙冲舉於此周一梧志西來諸山至此忽變莊嚴峭拔翱翔飛舞至於山巔萬壑踈風羣峰冒日一望海天杳然無際 櫻桃掌在紫團鄉宋大觀三年李元儒樂氏二真人封號記此於寺之東南幽谷間曰櫻桃掌得真人父母之墓其碣乃乾寧甲寅歲所作是時真人之親喪久矣真人降

神於巫命改此兆符驗之應其事有五雖紀父母諱

氏而不及其他

按冲惠冲淑二仙繇陵川移居紫園鄉益陽里云

三壘山在縣東南九十里遶高二十五里盤踞二百四十五里山勢壅障者三下有水名壅水東南入林縣界
地形志刈陵有三壘山

大王山在縣東南二十三里遶高十五里盤踞八十五里後魏書望氣者言大王山有天子氣太武帝疊石為三峰欲厭之後唐玄宗潛龍於此
高歡請就山

東食與爾朱兆盟襄垣水東乃舍大王山六旬始出
湓口 地形志屯留有大王山上有關龍逢祠

羊腸坂在縣東南一百六里

抱犢山在縣南四十里高十三里盤踞七十五里 五

朝志上黨縣有羊頭山抱犢山文獻通考金史胥謂
在壺關境內

東山在東二里遞高三里盤踞十八里 上黨記東山
在城東南晉申生所伐今名無罽

馬駒山在縣東十里高五里盤踞三十五里 唐志上
黨有馬駒山相傳後趙時有人獲一石形似馬駒因
名

靖林山在縣東七十里

龍山在縣東南五里遞高三里盤踞二十里

鳳山在縣東南五里遞高三里盤踞三十一里上有鳳

山浮圖

龍石山在縣東南七里遞高八里盤踞三十五里山巔

石上有龍形祈雨多應

紫巖山在縣東南十三里遞高三里盤踞三十五里巖石紫土人名石巖頭

烏泉山在縣東南三十里遞高八里盤踞六十三里山半有泉伏流黑土

安公山在縣東南七十里陵川界遞高九里盤踞六十四里相傳比丘安公隱此未暮卒俄而巔出石棺里人收葬之

麥積山在縣東南七十里以形似名

五指山在縣東南八十里遞高二十里盤踞百二十八里連太行山接林縣界

赤崖在縣東南九十里

龍泉山在縣南二十里遞高三里盤踞十八里山胥青石中有砂石五丈

黃山在縣南二十八里遞高八里盤踞四十二里山色黃明崇禎六年生白脂民取以食名黃山麵

石魚坂在黃山後天新雨上輒有五色魚現

樓峰在縣南三十里黃臺絕頂邑南境最高峰乃馮坡之亥山也昔人嘗以多寶崇壽名之相傳古有高樓址存

佛耳山在縣南四十里長治界柏林鎮遞高十一里盤踞六十二里張鐸摩雲寺記粵惟佛嶺秀出壺關視地無垠與天為黨蕭蕭陰壑鬱鬱喬林絕頂難攀纖塵不到若為登百仞之嶠遂將渺萬井之區信潞

境之具瞻太行之支秀也

鸞山在佛耳山迤東一里

趙屋嶺在縣南六十里上有鐵鑛又產赤白石脂

赤壤山在縣南六十里遞高八里盤踞三十五里地

形志壺關有赤壤川其地寒而早霜金志壺關有

抱犢山紫團山赤壤山

神山在城西南一里遞高二里盤踞二十二里

高望山在縣西南一里高三里盤踞二十五里即南壇

山 唐武德四年置壺關縣於高望堡

栲栳山在縣西南四里遞高五里盤踞二十五里形似

栲栳 郭恬詩虎踞真形勝仙壇亦壯觀

大峪嶺在縣西南三十里上有鐵鑛

鳳凰山在縣北十五里遞高五里盤踞三十五里 魏

太平真居九年二月西幸上黨詔於壺關東北大王

山累石為三峰又斬其北鳳凰山南足以斷之

壺關山在縣西北五里長治界遞高三里盤踞二十二

里山形似壺 通典有壺山

龍溪山近壺關山上建龍王廟

檀山在縣東北三里遞高三里盤踞二十五里唐徐王元禮為潞州刺史嘗逐白鹿至此

風穴山在縣東北二十里遞高十里盤踞七十里西有石竅深不可測聽之嘗有風氣 郭恬詩古寺王嶺下一穴自虛中

純山在崇賢村劉龍壺關三老茂碑漢孝武時壺關三

老茂上書史失其姓邑之故蹟雖見郡志然實未得其地三原張君友直宰邑數載求之未釋嘗以公事過崇賢村訪諸父老則曰村左純山之陽有巨冢或言耕者得一片石隱隱有字藏之近村古寺取視則唐人令狐璋墓誌也其序世系則曰昔先祖茂夾輔周室光翼漢朝封為壺關三老謚云徵君以茂為遠祖茂之姓當為令狐矣

鐵鼓山地形志壺關有羊腸坂靜林山微子城鐵鼓山

五馬門令狐徵君墓

五馬門

燕子池在縣治東南隅即甘泉池明景泰初知縣蘭興
濬

烏泉所謂烏泉夕照也章經詩曲嶂轉幽徑盤迴入長
松

赤崖流泉在縣東南九十里巖有石洞深一里內出盧
甘石洞口有泉以土色赤名

濯纓溪在紫圍山源泓澄澈

橋樓淙在紫圍山山陁峭絕下視深壑衆流奔瀝

惠澤池在南門外壺關地高峻鑿井甚難明洪武九年

縣丞郭柏濬池民始獲水利

渠頭溝在縣南三里當要道之衝今改道於龍塘河

清流川在縣西南三里一名進流川 唐貞觀十七年

移縣治於清流川

壺水在縣西北二里壺關山下發源北流經長治縣西

北注濁漳後澗

濟衆池在北門外明成化十四年知縣王佑開

龍雨池武有備記縣境北方則龍溪山也山形偏西故
左向建龍鬚橋橋東為龍雨池水門即山麓石級疊
浪宛若天造週計五畝餘深計三丈許

李郭井在甘泉池側共四井

沾水漢志壺關有沾水東至朝歌入淇

平順縣

葱蔚山在縣東三里懸崖峭壁松栢葱蔚

靖林山在縣東五十里

玉峽山在縣東八十里

蒼龍洞在縣東南新興二里深半里

彩鳳山在縣治南拔巖似鳳頭附岫似鳳翼

麥積山在縣南八十里以形似名

龍盤山在縣西二十里達潞安府道相傳龍盤此

獅子山在縣西五十里東禪東里西南二里東平順西

長治南壺關北潞城首尾背足胥似獅子

廣武山在縣西五十里東禪東里相傳廣武君葬此
清涼山在縣西安善一里上有清涼寺

馬鞍山在縣西東五谷里以形似名

虎頭山在縣西東五谷里

大巖洞 小巖洞胥在縣西北東五馬葭蘆里洞有水

青羊山在城北縣建山下山形似羊植柏青翠

青子洞在青羊里相傳唐太宗第七子避難洞中一名

七子洞

龍耳山在縣北石灰里山形似龍兩峰似耳

赤壁在縣北四十里新安里赤壁村南石崖深澗高五丈有奇漳水至此急流落澗聲吼若雷氣騰若霧浪噴若珠

侯壁山在縣北六十里侯壁里山多壁立

龍門山在縣北八十里石城里赤壁村兩山合峙山有三穴漳河南岸大石聳立土人傳龍卧蹟

虹梯在縣東北六十里

豆峪在縣東北九十里

馬踏隘去豆峪三十里

崆峒山在羊羔村金大用龍祥觀記王曲村張可用隱
崆峒山谷之石室先病乏水倏石圻泉溜清冷味甘
多汲不竭少汲不溢病者飲之獲安人得以濟

漳河源繇潞城東流入縣境經王曲新安石灰耽車石
城竇口等里東流入河南林縣界合清漳 平順漳

名漳河源彌可證潞城潞源之為漳源也 水經注

漳水又東逕礪陽城北蒼石水入焉水出林慮縣之
蒼石溪東北逕魯般門西闕昂藏石壁霞舉左右結
石修坊崇基仍存北逕偏橋東即林慮之嶠嶺抱犢
固也石磴西陞陟踵修上五里餘踰路中斷四五丈
中以木為偏橋劣得通行亦言故有偏橋之名矣自
上猶須攀蘿捫葛方乃自津山頂即庚眩陞處也蒼
石溪水又北合白水溪溪水出壺關縣東白水川東

逕百畝城北蓋同仇池百頃之稱矣又東逕林慮縣之石門谷又注於蒼溪水蒼溪水又北逕礪陽城東而北流注於漳水漳水又東逕葛公亭北而東去矣虹梯傳魯般所鑿當即魯般門猶靈石之魯班纏也嶠路中斷四五丈即所謂絕頂中斷是曰風門也石磴西陞林慮在東故名平順為西陞也水經又東過武安縣水經注漳水於縣東清水自涉縣東南來注之世謂決入之所為交漳口也

好水池在縣東南隅味甘

濟泉池在南門外邑城之水匯此

周公泉在南山下建縣初知潞州周昊鑿三井

溫泉在縣北四十里新安里樂頭村漳水滌洄處高崖
深潭名大海小海涯際多泉水差溫流入漳河

神虎泉在東谷里相傳白虎入南山下存木箭拔箭得
水

大禹泉在三池南里相傳大禹經此相地穿井得泉云

雙射泉在耽車里相傳唐太宗征竇建德連發二矢拔
箭水出

過水井在李莊村西南河渠居民穿渠得泉蓋方員百
步惟此過水去

龍王井在東禪北里相傳夢龍王指地穿井得泉二眼
云

三岔口池在縣東南河渠

通津池在廣裏村河下今涸

山西通志卷十九

欽定四庫全書

史部

山西通志卷二十

詳校官監察御史_臣查善長

檢討_臣德生覆勘

總校官進士_臣朱鈐

校對官編修_臣勵守謙

謄錄監生_臣黃嵩齡

欽定四庫全書

山西通志卷二十

山川
四

汾州府

汾陽縣

狐岐山在縣西南九十餘里孝義界一名薛頡山又名
薛頡嶺勝水出其下

白彪山在縣西二十五里馬跑泉出其麓上有龍橋洞

方廣十丈闢兩巖石梁橫續懸溜滴池土人名北嶺
南為羊耳山石巉峯聳林茂泉飛邑勝境也昔有騶
虞見此故名相傳商遣比干於騶虞山築臺避暑今
汾河濱有比干臺

謁泉山在縣北四十里文水界陽為卜山陰為陶山山
下有湯泉一名湯泉山上有石室相傳子夏居此又
名子夏山 水經注文水又南逕縣右會隱泉口水
謁泉山之上頂俗云暘雨愆時是謁是禱故山得其

名非所詳也其山石岸地險壁立天固崖平有一石
室去地可五十餘丈爰有層松飾巖列柏綺望唯西
側一處得歷級升陟頂上平地十許頃沙門釋僧光
表建二刹泉發於兩寺之間東流瀝石沿注山下又
東津梁渠隱沒而不恒流故有隱泉之名矣雨澤豐
澍則通入文水 五朝志隰城有隱泉山

將軍山在縣西南十七里東南有桑棗坡西南連石盤
山一名柏山上有柏舊志離石侯牙將趙鼎號白馬

將軍遇寇戰沒於山民收葬山下故名

石盤山在縣西十里花枝村高峯名西頂

萬戶山在縣西二十里高八十丈延袤二十里巔平曠可營萬室唐人謂之西岡李永山川記堯時洪水諸山皆沒惟此魏存濟者萬戶故名

柏山在縣西二十里相傳離石侯嵩葬萬戶山封樹多柏故名
石室山在縣西三十里山崖可作居室上多巖洞麻衣仙姑洞尤著又空王佛巖空王佛棲此土人以抱腹

巖為東巖石室巖為西巖

向陽峽在縣西三十五里有水流出峽

黃蘆嶺在縣西六十里石室山碑麻衣仙姑西河洪哲里人也聘魏氏孝養舅姑五載嘉邈於汾陽西嶺號黃蘆山名石室麻衣草履修煉真性魏率家人請歸姑乃托石壁而入惟有聖手痕存焉厥後顯聖像出采乳泉暨五色蛾飛集旱禱靡不應

鑒谷 代公猗盧將十萬騎從西河鑒谷南出晉軍從

蒲坂東度會於平陽事不果行鑒谷當即黃蘆嶺

羊頭山在縣西北十五里土山戴石形似羊頭 水經
原公水出茲氏縣西羊頭山是合白彪羊頭為一山
也

狄谷在縣西北二十里谷中水竹環繞雅有幽致

石婆神山在縣西北三十里連萬戶山相傳山無水有
老嫗日遠汲以濟人歿而建祠山上故尊之曰神非
陝州店東三里石婆神見夢於皇甫弘黜頭決科比

也

比干山在縣西北百里相傳商季令比干築城於此

金志西河有謁泉山比干山汾水文水孝義有比干

臺路史汾之西河縣百二十里有比干山孔子

手書銅盤銘左林右泉後岡前道萬世之寧茲焉是

寶魏文帝弔比干文扈陽曜而靈修兮豈傳說之

足奇但至概之不可慘兮寧溘死而不移李翰殷

太師碑周武下車而封其墓魏孝文南遷而創其祠

我太宗有天下裡百神而盛其禮追贈太師諡曰忠烈申命郡縣封墓葺祠置守塚五家以少牢時享

青龍山在縣北三十里孤峯獨立羣峯環繞左右泉澗縈之一名西頂頂有甘泉北十里為龍橋山

鶴鳴洞在巖壑間志稱拍手洞中則鶴應手而至

汾河在縣東二十五里水經又南過平陶縣東文水從西來流注之按水經注汾水出太原靜樂縣北一

百三十里管涔山東南過晉陽縣

即太原

南過大陵縣

水即文南接鄆城即汾州東界東又南過平陶縣即平遙東文

水即文從西注又南過永安縣即孝義又南過冠爵津

谷河又南入河東界西即靈石又南過皮氏縣西

即雀鼠谷在介休南又南入河東界西即靈石又南過皮氏縣西

即河祝志汾水經流平遙介休之西至孝義東南出

靈石口入於河 繇大陵城西南逕文谷斜迤東遶

二十五里淮南子汾水濁宜麻 孔天孚漁父說愚

公歸釣大陵之西涇浦之南為汾汀漁父

甘露泉在東門外二十步昔州人鑿井深未及隍而甘

泉湧出

文湖在縣東十里水經注文水又南逕茲氏縣東南十五里故城東為文湖東西十五里南北三十里世謂之西河在縣直東十里湖之西側臨湖又有一城謂之瀖城水澤所聚謂之都亦曰瀖蓋即水以名城也文湖又東逕中陽縣故城按晉書地道記太康地記西河有中陽縣舊縣也文水又東南流與勝水合又東南入於汾水也今湖為民田宋熙寧元年正

月復汾州西河灤

按湖本大澤與汾河不相通後決流通汾水遂涸

三泉在縣南二十里源出三泉洞西接靈浮東南注板谷流行春號河分為三堰二隸汾陽一隸孝義其水最清冽瀕泉沍陰地冬結層冰歷夏不消城市以為凌陰焉

清溝水在縣西南十里一名董師河源出尉陵谿谷口流注會石家莊泉經城南入喬東諸村

靈浮泉在縣西南四十里趙景王村相傳景王禱水而

泉應舊有三泉今存一孔

麻窟水在縣西十里平地湧出明大學士韓爌欲改名
麻出

禹門河在縣西二十里繇張堡泉出至河口伏沙潛注
東流轉北入馬跑泉匯流

張堡豐泉在縣西二十里朱之俊匯清園記張堡豐泉
出禹門河中瀑聲洪遠衆山皆響盤石巉巖處處散
滴流環中渚竹木甚盛景況大似江南郭漱六山人

自輝縣來一見欣賞曰此小百泉也

馬跑泉在縣西二十五里源出白彪山即水經原公水也一名壺溪源出西北三十里白彪山麓又名葫蘆谷相傳後魏賀魯將軍駐師於山馬跑地得泉故名其水緣山南注至谷口折而東歷城東北東南合文湖水雨澤豐澍則漲流而入於汾故邑東多沃壤焉而園匝樹蕃水磴山亭雷隱雲連則谷中為勝水經原公水出茲氏縣西羊頭山東過其縣北水經

注縣故秦置也漢高帝更封沂陽侯嬰為侯國王莽之茲同也魏黃初二年西河恭王司馬子盛廟碑文云西河舊處山林漢末擾攘百姓失所魏興更開疆宇分割太原四縣以為邦邑其郡帶山側塞矣王以咸寧四年改命爵土其年十二月離石令宗羣等二百三十四人刊石立碑以述勲德碑北廟基尚存也向陽水在縣西三十里一名懸泉水出金鎖關峽流經澗河合壺溪東南入汾

賀魯泉在城西北

石鼻溪在城西北汾陽古志城西北石鼻溪賀魯諸泉其碑令狐楚辭董叔經書文翰絕妙

禹尊河在縣北十里馬跑泉之匯也東流四十五里會上林舍安家莊張家堡諸泉入汾一名禹門河相傳

禹尊洪水至此

今按禹門禹尊分為二河

隱泉在縣北四十里謁泉山巔舊經巖嶺盤紆有水

伏流因以隱名

悶泉在縣北八十里賈家莊平地淳淵圍悶如壁無端
激聲產九節菖蒲

文谷河在縣東北五十里南流會隱泉水出謁泉山逕
茲氏故城西與文湖合一名萬谷河又名文水地輿
綜要文水歷交城汾水縣南入汾河

平遙縣

趙山在縣東南四十里城冢記高三百三十六丈橫百
餘里嶺廣平周百步有奇紫蓋峯在東巖下嘗起

紫光如蓋萬松嶺在南列嶂似翠屏上下嶺胥茂松
濤聲謖謖文殊頂在北上有文殊閣後廢清光峯在
東光時照徹山谷似玉海銀闕焉觀音坪在西寶塔
巖在東晡時紫光輒繇巖下起或云塔藏舍利焉下
有龍泉山一名過山以其超過羣山也一名弋嶺山
一名鍋山 地形志平遙有京陵城平遙城過山
金元遺山題名已亥秋八月十有四日自太原道往
山陽留宿於此東山元好問裕之題字大如拳溫仁

甫有後叙通辨大師院主廣演立石 郭明濟應潤
廟記圖經云超山在縣東南四十里高三百三十六
丈峻越餘山城冢記云平陶東南有過山是也唐天
寶六載改名超山也山之谷越谷也谷行十餘里中
有佛舍百福寺也 元張翼祈雨記平遥南有超山
岡巒起伏形勢聯絡東西與麓腹諸山對峙獨茲山
為最高路轉岑迴林壑深秀山麓有百福禪寺東有
靈泉立祠祀之 麓臺無樹山巔王浚廟旁止松

三株其山荒大無比以高勝超山地勢幽秀峯迴路轉溪流映帶林壑極美然別山無樹而此地獨盛寺前高嶺青青如黛風雨陰晴撲人眉宇時作濤聲是以松勝也世說新語孫子荆言其土地之美曰其山竊魏以嵯峨其水汧渌而揚波是子荆家近超山麓臺山也

超谷在超山一名郭谷

麓臺山在縣東南四十七里一名蒙山又名謁戾山

勢最雄高過嶺越上店東北皆曰麓臺縣蘇家莊越
三嶺十餘里至田家垵最高又上五里即麓臺中峯
東南萬山層疊下一澗東北去割麓臺不與東南山
連山根石紫黑頂上方石平置峯東石坪有龍洞山
之陰嬰溪出焉 山海經龍首山西三百里曰麓臺
爾雅山足曰麓土高曰臺 通考有鹿臺山嬰澗水
五朝志平遙有鹿臺山近世稱麓臺是傳會山
海經也

中都谷在縣東南三十里中都河源此

鍋山在縣東南五十里上有浮圖

亭岡谷在縣南三十里有亭岡水

洪谷在縣西南有白龍潭武亮記谷上通綿山兩崖對峙壁立千仞巨潭天成皎若明鏡

汜山 水經嬰侯之水注於汜水右出汜山

汾水在縣西北四十里繇文水入縣境西南流經汾陽

介休界

源祠水在縣東十五里平地湧出泉清可鑑髮北注中都西入汾河旱禱輒應源上有祠故名一名源池水溉源祠村梁村尹回村田

嬰澗水在縣東三十里水經注謁戾之山嬰澗之水出於其陰

鹵澗水在縣東南二十里源出朱坑流經縣東合嬰澗水入長壽河雷潔記城東一河名魯澗自東引入城

中都河在縣東南三十里圖經源出中都谷橫嶺下西

南合源祠水

源祠縣東南十五里

經城南西入鄆城泊復入汾

河洪善驛決堤取水遂北流循縣城東而西入於汾

故一名城東水

水經注嬰侯之水亂流逕中都縣

南俗又謂之中都水又注馮水又會嬰侯之水山海

經稱謁戾之山嬰侯之水出於其陰北流注於汜水

右出汜山其水殊源共合注於嬰侯之水亂流逕中

都縣南俗又謂之中都水侯甲水注之逕鄆縣故城

南雷潔記平陶南向綿山其山有大谷三發源連潢
合流一名中都河其河在城南面旋逝會歸汾水
亭岡水在縣南二十八里源出亭岡谷石巖中圖經此
水自亭岡谷北流入中都河

超山龍泉宋余彥和應潤廟記邑之南五十里有超山
勢高且厚下視邑城山之巖有泉出焉源雖微挹嘗
其味清涼而滑甘旱禱未嘗不應

原公水源出超山東北流永泉里黎基村 明志一名

賀魯水源出自白彪山涌注東流

百福井在超山百福寺禱雨多應

于仙池在超山于仙棲此引泉製藥泉味如橘病者飲之即瘥 聖水池記水醫眼又名眼藥池池不復存字亦剝落依稀識金明昌元年麓臺老人數字

白龍潭在縣西南洪谷禱雨多應

張趙泊在縣西北三十里一名壤分泊

長壽河在縣東北三十里出南山經祁縣入縣境西注

汾水一名砂河夏秋泛漲時沒田廬當即胡甲水
水經注甲水又西合嬰侯之水經鄆縣故城南

侯甲水冀州圖侯甲水起平遥縣北入太原界 水經

注甲水又西北逕中都縣故城南臨城際水湄春秋
昭公二年晉侯執陳無宇於中都者也漢文帝為代
王都此武帝元封四年上幸中都宮殿上見光赦中
都死罪以下甲水又西合為嬰侯之水 澗至嬰溝
村日暮有光映焉

孝感泉在西汾村元杜唐臣王夫人鑿郝天挺記曰泉
忽通透獨甘如飴

金井在縣中樓高百尺井中水色如金後涸

介休縣

狐岐山在縣東南二十五里中有狐洞可通十里山半
有泉禹貢註狐岐之山勝水出焉即鸞鷟泉禹貢治
梁及岐註岐山在汾州介休縣

綿山在縣南四十里遞高四十里隸縣境二十五里形

勢綿亘林木叢鬱介子推隱此一名介山山半有抱
腹巖蟠踞百餘里東抵沁源北接介休南跨靈石一
名橫嶺左傳襄公十三年晉侯蒐綿上以治兵定
公六年趙簡子逆宋樂祁飲之酒於綿上後漢志
注界休有界山有綿上聚左傳曰晉文公以綿上為
介子推田界山推焚死之山故太原俗有寒食袁崧郡國志
杜預曰西河介休縣名綿上文公賞從亡者介
子推不言祿祿亦不及遂與母偕隱文公使人召之

則亡遂求所在聞其入綿上山中於是環而封之以
為介推田號曰介山 莊子介子推至忠也自割其
股以食文公文公後背之子推怒而去抱木而燔死
呂氏春秋負釜蓋終身不見 水經注汾水又
南與石桐水合即綿水也水出介休縣之綿山北流
逕石桐寺西即介子推之祀也 王肅哀服要記曰
挂樹者起於介子推子推晉之人也文公有內難出
國之狄子推隨其行割肉以饋軍糧後文公復國忽

忘子推子推奉唱而歌文公始悟當受爵祿子推奔
介山抱木而燒死國人葬之恐其神魂賈於地故作
挂樹焉石桐水又西流注於汾水後漢周舉傳每
冬中輒一月寒食以子推焚骸神靈不樂舉火是子
推又以冬月亡矣石勒傳電起西河介山歷太原
樂平武鄉趙郡廣平鉅鹿千餘里樹木推折禾稼蕩
然勒正服於東堂以問徐光光對曰去年禁寒食介
推帝鄉之神也歷代所尊或者以為未宜替也縱不

能令天下同爾介山左右晉文之所封也宜任百姓
奉之勒下書曰寒食既并州之舊風朕生其俗不能
異也前者外議以予推諸侯之臣王者不應為忌故
從其議倘或由之而致斯災乎予推雖朕鄉之神非
法食者亦不得亂也尚書其促檢舊典定議以聞有
司奏以予推歷代攸尊請普復寒食更為植嘉樹立
祠堂給戶奉祀於是并州復寒食如初 後魏太和
二十年二月癸丑詔介山之邑聽為寒食自餘禁

冊府元龜龍星木之精也春見東方心為火之盛故
為之禁火俗傳介子推以此日被焚禁火路史周
舉之書魏武之令汝南先賢傳陸翹鄴中記皆謂介
子推以三月三日燔死而後世為之禁火予觀琴操
所記子推之死乃五月五非三日也祝志介山又
名介美山在介休縣東南三十五里以介子推隱此
故名有廟在焉漢郡國志萬泉縣南十五里亦有介
山俗傳以推隱得名舊通志兩存其說按晉侯賞從

亡者介子推不言祿祿亦弗及遂隱而死晉侯求之
不獲以綿上為田而旌其善介休縣舊名綿山綿上
即介休東南山也南跨靈石西跨沁源盤踞深厚是
以求而弗獲若萬泉者雖近於絳周圍僅十里未必
不獲蓋其屹然孤立故名為介後遂傳會以為推隱
之處蒲州志已破其誤又曰綿山在靈石縣有介子
推墓與沁水介休相連即介山也 日知錄魏武帝
令聞太原上黨西河雁門冬至後百五日皆絕火寒

食云為介子推且北方沍寒之地老少羸弱將有不
堪之患令到人不得寒食若犯者家長半歲刑主吏
百日刑令長奪一月俸楚辭九章惜往日介子忠而
立枯兮文公悟而追求封介山而為之禁兮報大德
之優游思久故之親身兮因縞素而哭之明文公在
時介子推已死故以田祿其子也史記環綿上山中
而封之以為介推田號曰介山然則受此田者何人
乎忌坂相傳介子推避晉文公於此李鍾盛介山

分界碑經介山南之坡為陽坡地名有北塔鈎紅巖村栢溝峪大小栢溝村介神廟諸處屬靈石縣山之坡為陰坡地名有說法臺抱樓山陶圪塔饅頭山興地村等處屬介休縣地俱以山嶺中脊陰陽為界下以栢溝村興地村二溝合流總渠水心為界

抱腹巖在縣西南四十里綿山之奧崖似抱腹羣峯擁翠澗水流鳴石梯陡峻松柏森蔚綿山勝境也一名靈官仙窟路險崖峻相傳僧自并州來二兔二鹿前導

僧隨之渡遂化於此唐太宗封空王古佛因建雲峯寺於渡置二橋一曰鹿橋一曰兔橋巖右有鐵索嶺嶺上有五龍纏對峙有說法臺繇巖而前有朝陽洞一斗泉小須彌白雲洞中巖有蜂房泉巔有竹林寺鐵丸寺銀空窟摩斯嶺銀空摩斯胥空王佛弟子也山前有塔巖頭有元帝廟外有龍巖會李姑巖亦傳唐太宗妹焚修地也山北有山神廟觀音閣平麓有下馬泉圪堆頭光巖寺前後凡九里二十八灣樹木

經歷代胥禁砍伐實所以旌介也 唐貞觀初旱長
安人禱於抱腹巖僧令拜侍者摩斯斯方泔米將米
汁向西少灑令急回曰今日長安霑足矣果應後與
銀空胥化此

太虛巖在縣東南二十里崇岡上有二巖一似雀巢碎
砌一似冰柱膠粘一名珊瑚一名上水巖畔有數石
洞狐岐勝水繞之

臧城山在縣東南二十八里

蠶簇山在縣東南三十里九窰村山勢高峻形似蠶簇
一名簇蠶山

西砬谷在縣東南三十里

東砬谷在縣東南四十里四面如圍幽深無際巖北向
有介子推妹祠巖下有黑龍池名白牛泓巖高數仞
周三里雨雪不侵巔有懸泉倒流巖中似瀑布

紅山嶺在東西砬谷間

獅鼻巖在縣東南四十里巖高七十餘丈中空巖下巨

石形似獅鼻巖上時見霞光

天峻山在縣東南六十里塙塚村壁立萬仞雲繞山半
即大雨而巔若無雲巔有浮圖雲霧繞尖即雨

箭桿嶺在綿上下有硤石澗

介巖有樹花生葉上

雀鼠谷在縣西南二十里唐明皇開元中北巡并州嘗經
此通典險固之處水經注寇爵津俗謂之雀鼠谷
沂陽谷在縣西四十里水出谷中名沂陽水

木瓜山地形志西河郡介休有木瓜山鄔城有郭林宗墓介休城太岳山祠

度索原宋金剛據介州晉州道行軍總管裴寂屯度索原賊隸水上流寂徙屯為賊所搏兵大潰死亡畧盡寂晝夜馳抵平陽鎮戍皆沒

靜巖金志介休有靜巖

汾河在縣北經流縣境二十里至橋頭村虹霽橋又由義唐鎮西南入雀鼠谷至靈石縣界

國朝康熙十一年汾河徙 汾河繇東北孝義界胡家
嘴起至西南靈石界崔家溝口止隸縣境四十里三
百一十四步北至羅王莊汾河十里為孝義界繇羅
王莊至孝義治二十里 水經又南過大陵縣東
水經注汾水於縣左迤為鄔澤廣雅曰水自汾出為
汾陂 水經又南過平陶縣東文水從西來流注之
水經注汾水又南與石桐水合水出介休縣之綿
山北流逕石桐寺西即介子推之祠也石桐水又西

流注於汾水又西南逕介休縣故城西王莽更名之
曰介美矣汾水之右有左部城側臨汾水蓋劉淵為
晉都尉所築也

鄆城泊在縣東三十二里北辛武村 爾雅魯有大野
晉有大陸秦有楊陁宋有孟諸楚有雲夢吳越之間
有具區齊有海隅燕有昭餘祁鄭有圃田周有焦護
郭璞注大野今高平鉅野縣東北大澤是也大陸今
鉅鹿北廣阿澤是也楊陁今在扶風汧縣西孟諸在

梁國睢陽縣東北雲夢今南郡華容縣東南巴丘湖
是也具區今吳縣南卽震澤是也海隅海濱廣斥昭
餘祁今太原鄆陵縣北九澤是也圃田今滎陽中牟
縣西圃田澤是也焦護今扶風池陽縣瓠中是也
水經注汾水於縣左迤為鄆澤廣雅衆自汾出為汾
陂其陂東西四里南北十餘里陂南接鄆地理志曰
九澤在北并州藪也呂氏春秋謂之大陸又名之曰
溫洩之澤俗謂之鄆城許慎說文曰馮水出西河中

陽縣之西南入河即此水也。馮水又會嬰侯之水。逕鄆縣故城南。晉大夫司馬彌牟之邑也。謂之鄆水也。俗亦曰慮水。慮馮聲相近。故因變焉。又西北入鄆陂而歸於汾流矣。昭餘祁當在祁縣。班固曰：澤在鄆縣北，是為昭餘祁。并州藪注曰：祁藪西接鄆澤，故通典註昭餘祁在今西河郡介休縣界。又曰：昭餘祁俗名鄆城泊。職方并州之藪。通考同路史：昭餘祁在介休連延祁縣。呂氏所云大陸一名漚澤，俗曰鄆城泊者。

是也鄔城泊一名蒿澤隋漢王諒拒楊素於此

三道河在縣東五里發源宋貼村後平地湧泉流分三
派名三道河經下站村北入汾

拔戩泉在縣東十二里段屯村相傳尉遲敬德蹟

灰柳二泉在縣東二十里石洞村西北入汾地有白柳
蒲地泉在縣東二十里

悶津泉在縣東三十五里一名連山水

蜂房泉在縣東五十里抱腹巖下懸泉苔蘚上似盤倒

垂者十餘小竅百餘似蜂房泉繇中滴貫珠不絕

龍泉在縣東南二十里北流入於汾平地湧出相傳有

龍見此

明一統志
在西南

硤石澗在縣東南二十里源出綿上箭桿嶺下流入汾

水久涸

源泉在縣東南三十里王一魁源泉詩序東南三十里

有泉出山下名源

洪山水在縣東南三十里洪山山半有泉數罇四季

不竭即文路公三渠之源也東北流入於汾土人謂
即石桐水 按石桐當出綿山

鸞鷲泉在縣東南三十五里狐岐山下北入於汾宋至
道間碑有鸞鷲池

連山水在縣東南四十里圖經水出連山其源甚微
懸泉在縣東南四十里東嶺谷南山之上巖巔有泉一
脉倒流巖中似瀑布

勝水在縣東南源出狐岐山流入縣東境洪山源神池

諸村凡二十里東入於汾

謝谷泉在縣南十里谷中流出

興地泉在縣南四十里綿山下一名利民渠

黑龍池在縣南四十里東猗谷河中色黑相傳龍見此
白牛泓在縣南五十里東猗谷三泓周五百餘步深不
可測山峻路險直上三十里禱雨多應相傳白龍與
黑龍戰里民以礮助之黑氣冲天而去今山水泛漲
漂巨石大木過泓不沉

綿水源出綿山西入汾一名石桐水土人名石洞水平
地湧出

井成泉在縣西北七里大宋曲張家井也明萬歷三十
四年泉修湧

葫蘆河在縣東北五里

小橋泊在縣東北二十八里西入汾

石河在縣東 城西河在西門外 內封河以上三河
無常流大雨南山水發北流入於汾

孝義縣

孤岐山一名薛頡山在縣西八十里主峯高五十丈有
奇遞高五里盤踞三十里有奇南連高唐山三十里
北連寧鄉鵲吉山五十里中峯最高今盤村原是也
勝水出於其下水經孤岐之山勝水出焉王應
麟困學紀聞治梁及岐若從古註則雍州山距冀州
甚遠壺口太原不相涉晁以道用水經注以為呂梁
孤岐讀此始知蔡傳說宗晁氏其言曰梁岐皆冀州

山梁山呂梁山也在今石州離石縣東北爾雅云梁山晉望即冀州呂梁也又春秋梁山崩左氏穀梁皆以為晉山則亦指呂梁矣岐山在今汾州介休縣狐岐之山勝水所出東北流注於汾二山河水所經治之所以開河道也先儒以為雍州梁岐者非是禹貢雖指呂梁孤岐二山去河甚遠晁氏以此釋治梁及岐大謬盤村原永寧寧鄉山民通衢也

賈願谷在西南三十里王才里元魏嘗置驛一名驛馬

谷後遣賈願戍此因名

允九峪在縣西南四十里有寨

玉泉山在縣西南七十里高三里盤踞四十里有奇南
連靈石金軌山十五里北連高唐山十五里為吉隰
往來通道泉如漱玉故以名山 唐志孝義有隱泉
山是迤轄文水地也

六壁頭山在縣西八里下有六壁府

柏山在縣西五十里允九峪東遞高三里盤踞六十里

有奇西連高唐山三十里東接南營村二十里山多
柏

龍山在縣西六十里巒壁巍峩樓閣掩映華嚴禪寺之
勝也一名龍隱山有象王峯蓮花峯雲蓋峯金沙河
半月池諸勝

烏雞山在縣西七十里遶高五里盤踞七十里有奇西
連狐岐山二十里東接王荆村四十里有黑龍池禱
雨輒應

白雀山在縣西九十里遞高五里盤踞五十里有奇東連烏雞山十里西連狐岐山十里羣峯參天

高唐山在縣西九十里高三里盤踞四十里有奇南連玉泉山十五里北連狐岐山三十里山峯高聳下有溫泉名溫泉鎮乃吉隰孔道也 王弘廣濟渠記高唐之山有孝河源駢於白壁之左右旁分二水合流

東注

上殿山在縣西百六十里遞高七里盤踞六十里有奇

南連隰州水頭山三十里北連寧鄉上橋山二十里
峯巒峻拔為吉隰諸山之冠傍有佛寶山上有突厥
祠墓相傳能致風雨

佛寶山上有積石瑰琦駭目

遠望山金志溫泉有遠望山

安生原舊經土地沃饒有西河之美者惟安生原耳

汾河在縣東十五里繇汾陽經縣境南二十里過冷泉
山合諸水入介休靈石境

王同河在縣南十里

嶺北溝河在縣南二十五里

玦溪在縣西南五里源出道相村繞田似玦

冷泉在縣南二十八里炎夏清冷人多避暑於此

元象泊在縣西十里六壁村元象有孝行耕於此一名

勝水陂

孝河即勝水也源出狐岐山麓徑縣西十五里楊家莊楊泉曲等村復合左水吐京水曹溪諸流由縣南而

東十五里至五樓莊入於汾 水經注勝水出西狐

岐之山東逕六壁城南又東合陽泉水

即吐京水

又東逕

中陽故城南又東合文水文水又東南入於汾水

通考中陽有勝水 金張元祐濟民渠記孝子河發

源孝西山百餘里一水自高唐西北會於白壁之左

次南二水合流四派滯行遶郭東注入於汾

吐京水在縣西十五里合勝水入汾一名西陽水 水

經注勝水又東合陽泉水水出西山陽谿東逕六壁

城北又東南流注於勝水

左水在縣西二十里合勝水會為孝河一名賈願水

義河發源狐岐山之麓東流至縣北十五里田同村南
入汾陽境普惠董家諸村分為善利得利分利豐義
紫金五渠堰至鹽鍋頭村入於汾一名行春川

溫泉在縣西九十里高唐山側靈液溫淡積雪不冰
海眼泉在縣西北七里居義村西水色深黑莫測其底
白龍渠水在縣西北二十里白壁關

假壁河在縣西北二十三里

板谷水在縣西北二十八里源出合板谷東流入元象泊

三泉在縣西北二十八里泉有三東流入板谷黑龍池在白雀山下相傳有黑龍化於此

曹溪出北屯川過曹村吳屯入孝河

臨縣

中脚山在縣東四十里

產石炭

黃龍山在縣東五十里

連枝山在縣東六十里永寧州界支脉蔓延連接羣山
郝塢山在縣東一百六十里交城界

雲山在縣東南三十里

漢高山在縣東南五十里高祖擊陳豨駐此有廟又有
三宮人葬其麓亦建祠

火山連樊包頭山在縣東南八十里

產石炭土
人造磁器

招賢山在縣東南八十里

產石炭民業
磁窑鐵冶

馬頭山在縣東南九十里永寧州界

白佛崖在縣南十里懸崖百尺上有佛字縱橫三尺似
聖書然舊說佛音弼為佛盼佛時仔肩之弼是漢明
帝前業有佛字非西方七佛也至今人稱白弼崖
三交南山在縣南五十里相傳後魏孝文過此見有異
氣遂鑿斷來脉建廟厭之時荆棘冒衣怒折其刺至
今此地棘刺獨無勾云

石門塢在南六十里永寧州界

龜山在縣西南一名長壽山北下為牛澗

鳳凰山在縣城倚西山山巔築城南下為牛澗

紫金山在縣西北四十里山勢嵯峨巔時有雲氣上建

聖水殿塑浮濟大王像一曰石勒祠殿左右壁二孔

裁容手相距二尺許西為雨穴東為風穴風穴不敢

啟雨穴旱禱手探水輒雨間探之時獲水珠鈿石諸

物上建崇應侯廟

黃雲山在縣東北三里榆林河水出焉

按縣志黃龍山
訛黃雲山然相

去甚遠又榆林河在東北五里則祝志為霞

一箭嶺在東北百三十里靜樂界

孝文山在縣東北百四十里周家溝界有避暑宮廢址東林山色微赤山側有泉味甘為臨縣第一

黃河在縣西百十八里由興縣紅石灘磧經縣境西界南流達永寧州之孟門共長一百八十餘里紅石

灘磧葭蘆磧烏龍磧翻入坪磧大同磧至此

西南九孟門十里矣

小峪河在縣東南三十里發源雲山下西流至溝口岐道村

赤洪山在縣東北七十里

十渡口去城百二十里對葭州大會村為馬家窰去城百二十里對葭州東水門底為剋虎寨去城百二十里西南十里斜對葭州浮屠峪為杏林莊去城百里為曲峪鎮去城百一十里西南十里斜對葭州關溝為白道峪去城百里對葭州荷葉坪為郭家峪去城

百里對葭州貓兒磧頭村西南十五里對葭州螳螂
谷為堡子峪去城百二十里對葭州吳堡縣川口鎮
為高家塔去城百二十里對吳堡縣橫溝村為橋子
溝去城百一十里為小園子 索達安渡在曲峪鎮
南十二里通吳堡 剋虎寨渡口置浮梁今以舟濟
金大定時攻西夏築城屯兵元廢明洪武五年置巡
檢司後裁南二十里為曲峪渡 元志黑河源自漁
陽嶺之南水正西流凡五百餘里與黃河合又正南

流過保德葭州及興州境又過臨州凡一千餘里與
吃那河合 魏正光末北鎮擾亂薄骨律鎮別將賈
顯度率鎮人浮河而下達秀容為爾朱榮所留

湫河在縣東南三里發源興縣合查山麓由大小枝頭
山長城坪西南行三十里經白文鎮折而南流六十
里東北受榆林諸水合而南行五十里胥兩山排闔
一水中流至三交鎮折而西南行五十里入黃河十
渡水與甘泉等河胥入此水 水經河水又南陵水

注之水經注水出陵川北谿南逕其川西轉入河

按臨

河即陵水之譌

五朝志太和有湫水太和即後周烏突郡縣

也

甘泉河在縣東南三里發源甘泉村石巖西流至甘泉溝口

安業河在縣東南十五里發源中脚黃龍二山西流至安業溝口

大峪河在縣東南二十五里發源漢高山下西流至大

峪溝口

鐘底河在縣東南六十里發源湍水頭西流至三交鎮
善卷河在縣西南十里發源趙家圪臺東流至善卷溝
口

青堂河在縣西南二十里發源丁家溝暨青堂村流至
村境地陵下 以上胥入湫河

孝才河即月境川河在縣西十五里發源埋頭莊南流
至索連干

青涼河在縣西三十里發源紫金山下西南流至叢羅

峪

曲峪河在縣西百里發源紫金山時見時伏至張陽會
見而不伏西南流至曲峪鎮

杏林莊河在縣一百十八里發源紫金山西麓流經兔
兒坂至杏林莊

麻峪河在縣西北一里發源泉水東流至麻峪溝口
萬安河在縣西北十里發源紫金山東麓東流至萬安

溝口

太平河在縣西北三十里發源紫金山時見時伏至武家坪見而不伏東流至太平溝口

第八鋪河在縣西北百二十五里發源紫金山西北麓西北流至第八堡以上五河胥入黃河

窰頭河在縣北四十里發源紫金山北麓東流至窰頭溝口

故縣河在縣北五十里發源唐家溝海子頭溝暨故縣

村東流至村口

榆林河在縣東北五里發源黃雲山西流至榆林溝口
喬子川河一名陳莊河在縣東北二十里發源連枝山
時見時伏流至川口陳莊鋪

小馬坊河在縣東北三十里泉出小馬坊村石巖冬恒
溫流至村境溝口

郝家坡河在縣東北五十里泉出郝家坡村平地湧出
深三尺迺冬恒溫流至村境地陵下

臨泉水金志臨泉縣有黃河臨泉水通考臨泉有臨

泉水

劉王古溝劉淵嘗引兵過此土人立祠

石樓縣

石樓山在縣東南六十里水經蒲川石樓山縣取名

焉按蒲川即蒲縣徐廣晉紀所謂劉淵自離石南移

蒲子者也蒲川石樓山不屬吐軍金志有石樓山

黃河龍泉路史有巢氏治三百餘載栖於石婁

顏注遁甲開山記云石樓山在瑯琊昔有巢氏治此
山南注城陽縣東北有婁鄉是然於瑯琊遠矣而又
汝之梁縣有石樓山按今隰州有石樓縣本曰吐京
隋文改曰石樓東南六十里有石樓山此宜是

黃雲山在縣東六十里南至半心山與石樓山相連綿
亘七十里有奇天闢石洞炎暑陰森雪後似登瑤臺
石羊山在縣東二十里東石羊村山多枯一名枯水山
舊有石羊里村故名

薛張嶺在縣東南三十五里

牛心岡在縣東南六十里連黃雲山

翠金山在縣南三里巒聳林密有臺駘神廟一名臺駘

山

老子巖在縣西十五里譚莊老子王村巖上清泉滴瀝

冬成冰柱四丈餘

石鼓山在縣西三十里吳峪塌溝山有平石一似琵琶

一似鼓風拂成音石擊成聲

飛龍山在縣西五十里山峻崖疊昔賀道人嘗植柏林
焉

康家山在縣西六十里

九重山在縣西七十里義牒馬家嘴山下為有宋呼延
瓚故里有馬跑泉作石鰲吞魚勢

金甲巖在縣西七十里距九重山數武相傳呼延瓚取
金盔甲於此

團圓山在縣西北三十里山峯殊高有漢高祖廟舊無水

國朝順治九年五月十三日半坡條湧清泉山麓荒地
胥穰

百井谷通考在石樓

黃河在縣西九十里由寧鄉奔流南入永和界花地
窰在縣西九十里水經又南過土軍縣西水經
注吐京郡治故城即土軍縣之故城也其城員長而
不方漢高帝十一年以封武侯宣義為侯國

屈產泉在縣東南四里石罅噴湧春秋時馬飲之產龍

駒水經注吐軍縣有龍泉出城東南道左山下牧
馬川上多產名駒駿同滇池元河其水西北流至其
城東南土軍水出道左高山西南注之龍泉水又北
屈逕其城東西北入於河劉昭注北屈左傳曰二
屈杜預曰二當為北傳曰屈產之來有駿馬通考
有百井谷屈產泉建三寨泉崖有晉公子夷吾廟
石上有馬蹄跡南山有水源隰州瀑布奔流焉

沙河二南至譚莊東至隰州境皆西流九十里入黃河

水深五尺 沙河二派即吐軍水也舊為城壕自城
北東西夾流復匯溪水流西下易衝城址知縣袁學
謨詳請於溪河左別開支河一道濬至總匯處計三
百丈引城址水接流而下水勢得以少減 雍正九
年八月緣東北城霖雨湧沙堆河改北流自闢支河
一道袤一百九十丈上流廣四丈深七尺下流廣六
丈深五尺

暖泉坡在縣西四十里坡下有溫源川恒流不冰

溫源川在縣西五十里

永寧州

呂梁山在州東北百里接交城縣境高插霄漢盤踞百里有奇一名骨脊山東河源此東有鐵鐻山呂梁之支也相傳山半有蛤蟲暨繫丹鐵絙鐵鐻山上有

鐵環

禹貢治梁

即呂梁

及岐

即狐岐山在孝義

爾雅呂梁晉

望呂氏春秋龍門未闢呂梁未鑿河出孟門之上水經注善無縣西南故城水西流歷於呂梁之山

而為呂梁洪其巖層岫行澗曲崖深巨石崇竦壁立
千仞河流激蕩濤湧波襄雷奔雲洩震天動地 呂
氏春秋呂梁未闢河出孟門之上蓋大禹所闢以通
河也司馬彪曰呂梁在離石縣西今於縣西歷山尋
河乃無過垣至是乃為河之巨險即古呂梁矣在離
石北以東可二百有餘里 太平寰宇記呂梁在離
石北以東可三百餘里 王運新呂梁山辨九峯蔡
氏書傳呂梁在離石東北與左氏合而公穀呂不韋

酈道元說則為無稽予登絕頂高冠羣山下視崖石
磴磴益信胡氏張氏實未嘗親至其地而承訛踵誤
呂梁碑劉耽作字為小篆鈎畫訛泐可辨者才六
十言碑書登封之歲蓋秦漢間人又叙紀虞帝世云
舜祖幕幕生窮蟬窮蟬生敬康敬康生喬牛喬牛生
瞽瞍瞽瞍產舜命禹行水道呂梁

孝文山在州東北百四十里遞高四十里上無林木每
雨則山半雲凝盛暑堅冰千崖萬壑泉源騰瀑 唐

志平夷縣中有孝文山 後魏孝文帝廟碑長一丈
有奇濶五尺字胥剝蝕州志孝文居文明憂避於此
不食者三日

鳳凰山在州東五十里即白馬仙洞與韓仙山掌對峙
白馬仙洞在州東五十里鳳凰山山有洞陽觀天王廟
五嶽廟三清閣聖母殿唐貞觀間尉遲恭監造廟後
一洞時吐雲霧入洞里許有獨木橋飛石燕磐石頂
直下有梯轉越主心石寬敞似屋怪石萬狀又進有

懸石自頂倒懸距地三尺名石鐘石鼓擊之鏗然有聲又進有白龍池似雪黑龍池似墨蓮花池頂上石乳垂津祈禱獲滴入瓶輒應又進分九穴名九鳳山深不可測相傳白馬日食田禾逐之入洞蹄跡猶存遺碑曰赤松子煉丹之所古碑曰九鳳山乃黃帝之別館晉高祖禱雨而應天福元年詔封淵濟仙洞勅樞密使桑維翰書額

寶豐山在州東六十里巉巖壁立一名尖山有巨石袞

犬餘形似龜一人踐之則動衆人踐之則否

拓跋嶺在州東七十里上有古塚相傳魏孝文蹟下有馬跑泉

劉王嶂山在州東百里有飲馬潭飛人崖昔劉淵都離石時據此今有淵祠

韓仙山掌一名望仙坡與白馬仙洞對峙相傳東萊韓中元採蒼朮黃精服之身輕顏丹嘗見洞口九仙跨鳳賦詩曰洞門深鎖白雲堆忽見羣仙跨鳳來自信

我非劉阮輩，渾疑身曾在天台。後亦仙。

尖陽山在州東南四十里上立堡

太華掌在州東南山深林密

龍山在州南六十步高一里下有龍山泉

封侯山在州南

虎山在州西二里高百步

筆架山在州西二十里形似筆架一名神仙山三峯排

矗中昂旁下餘似波浪漸削

仙童山在州西三十里白霜鋪相傳童子晨採樵夕入
洞洞有石牀一泉一甚冽

馬巖山在州西百里琵琶村有泉

南山在州西百二十里居孟門之南頂石穴有靈泉達
下禱雨多應

烏崖山在州治西有安國寺

扁斗山在州西北十五里山高挿天傍有叶斗巖下有
泉名靈通月窟泉側有橋土人傳安國王之寨朱鈴

遊山寺記繇孔道折北登山麓過張襄敏公墓又過
斷峽折而東北高岡上有大松逾小嶺循崖而西怪
石遞壑禽聲絕響又轉山半為山寺復轉東行複道
下懸崖萬丈流泉滴瀝有蓮花峯上豐下銳形同菴
菌寺側有琉璃井一泉甘而冽最後山僧出唐代宗
賜昌化公主佛牙長半尺質瑩而潔色紅而潤其先
有純天和尚通儒教于清端少嘗讀書山寺

馬頭山在州西北三十里相傳祖逖駐軍於此有廟并

碑

三陽雲鳳山在州北二里高百步山上土穴二上建希夷殿相傳陳搏修煉於此有華陰人過而見之貽詩云古洞巖前碧水流白雲繚繞鳳山頭幾回不見先生面今見先生在石州山有遺墓羽士孫雲際亦潛棲焉

石板門山在州北五十里山勢陡峻山半有穴如兩扇開闔狀相傳收豎亡羊羊毛出石門胥丹砂屑

伏廬山五朝志修化有伏廬山後周嘗置廬山縣是州
北六十里廬城當即古霍胡郡縣也

黑龍洞山在州北七十里有鉛鑛上建黃帝廟

龍王山在州北百二十里土人名北頂

銅柱山在州北百二十里高千仞有奇山半有湧泉上
建迎曦寺

三掌崖在州北百三十里交城界三峯挿天明晉藩牧
地土人名官地裏

離石山在州北一百八十里即赤堅嶺也山前有離石水古設離石郡離石縣胥以山名

胡公山在州東北三十里古離石界

龍慶山在州北

勒臺山在州東北四十里相傳石勒屯兵於此

龍神山在州東北七十里多五色石

漢高山在州東北一百十里甚高聳漢紀高帝大破林胡於晉陽追至離石復破之林胡復聚兵樓煩帝

乘勝追至此上有漢高祖廟下有仙姑祠州志曰從行宮嬪也

黃蘆山嶺東界汾陽南至薛公嶺又南至寧鄉黑嶺汾陽永寧界齊天保三年九月辛卯帝自并州幸離石冬十月乙未至黃蘆嶺仍起長城北至社干戌四百餘里立三十六戍

蓮峯有豐泉

上顛山險峻

黃河在州西北百二十里繇臨縣入州境至孟門折而南注 正義林胡樓煩即嵐勝之北也嵐勝以西石州離石蘭等七國時趙邑邊也秦隔河也晉沼澤潞等州皆七國時韓地為並趙西境也 元張鼎新貞憲公張承業碑夾城之役武皇復遣公求援于岐時河中阻絕自離石渡河春冰方泮凌澌奔蹙艤舟不得渡禱于河神是夜夢神人謂曰子但渡流冰無患寤津吏報曰河冰合矣侵晨躡濟旋踵冰解

拐裏泉在州東五十里仙洞山麓相傳山無水有老人以木拐掘地得泉

馬跑泉在州東七十里拓跋嶺相傳魏孝文帝遺蹟石窟泉在州東八十里吳城驛東河之源

東河源二一出骨脊山一出吳城石窟泉至蘆橋合流經城東北復迫城西流合南北河西至後河底入黃河

響水泉在州東南五十里崖半泉湧聲似雷迸石似懸

珠懸崖似飛瀑

龍山泉在州南六十步龍山下有漢神醫華陀廟下有井名華君井病者祈禱取水

香水巖在州南十五里繇大土河道石壁瀉出味甘相傳源仙洞黃龍池

南河出寧鄉縣北流入交口村匯東河北河為一溫泉在州西城下羣泉排瀉

雷雨溝泉在州西十里相傳投鐵牌於潭雨輒應

青龍泉在州西六十里青龍鎮山石間羣泉潄滙大旱不涸嚴冬恒溫時見鴛鴦鷗鷺云流合東川河

靈泉在縣西百二十里南山高崇熙靈泉寺記南山峯巒插天下臨黃河有泉一道飛瀑山椒潄迴殿宇導流齋厨旱取水禱之輒應金大定間釋喜賡說法於茲灌水入田嘉禾合穎

昭濟泉在州北六十里扁斗山一名靈通月窟泉相傳與晉祠懸甕山通連靈顯昭濟聖母行宮於源側碑

記存焉 古碑舊有海眼波濤洶湧

誤兒滙在州北六十里相傳昔有將令子據守約鳴金
來援子聞鳴金以驗信否援至知為戲後有警鳴金
而援不至城遂陷云

北河在州北百八十里源出赤洪嶺南流經州城西至
交口村合東川河即離石水 通考有離石水一名
赤洪水高歡大破爾朱兆於赤洪嶺蓋近此 水經
河水又南得離石水口 水經注離石北山南流逕

離石縣故城西 史記秦昭王伐趙取離石者也漢武帝元朔三年封代共王子劉綰為侯國後漢西河郡治也其水又南出西轉逕隰城縣故城南漢武帝元朔三年封代恭王子劉忠為侯國王莽之慈平亭也北俗語訛尚有千城之稱其水西流注於河也赤洪水源出方山廢縣東南流經州界西入黃河文水出方山東流入交城境

寧鄉縣

卧龍岡在城東阜民坊高一里北繇石州界迤邐而東抵汾州界盤踞五十餘里形似卧龍

黑嶺在縣東七十里下有坡峪乃汾陽永寧寧鄉之界也

栢窰山在縣東南十里鳥道穿栢林里許上建聖母廟廟前泉池清冽

百家峪在縣東南十里

樓子臺山在縣東南三十里山勢疊峻形似層樓巔有

劉公洞昔劉公修道於此

蕉山在縣東南三十里山下有蕉泉水西流合車轍泉
寨嶺在縣東南有寺王編寺記觀音上殿坐虎額夾
水蟠足環峯拱手面縣如弄丸然

勇嶺山在縣南二里一名虎頭山所謂虎頭橫脫也

仙明山在縣南十里山下有仙明洞深不可測禱雨輒
應

屏風山在縣南三十里列翠如屏

蜜蜂崖在縣南三十里峭削壁立流液似蠟

車轍山在縣南三十五里山下有車轍泉

沒狐臺在縣南四十里臺下有石室高千丈方圓三里

登眺百里有清泉景最幽麗

黃蒿嶺在縣南四十五里

車明峪在縣西南二十里

泉子山在縣西南四十里有車轍泉即清水河源

鳳凰山在城垣西跨山脊泉子源水環其東

傳齊嶺在縣西四十里

石門山在縣西百五十里下臨黃河

尚家峪在縣北十里

朱店山在縣北二十里環縣皆山惟北抵永寧州為平川朱店乃諸水之屏障

黃河在縣西百五十里

清水河源出縣南三十五里東會蕉山西會泉子山諸水北流入永寧州界又西流會青龍泉又西六十里

入黃河 祝志合赤洪水入黃河

車轍泉在縣南三十五里源出車轍山泉源不涸民多
引渠西北經永寧州合清水入黃河

二郎坪泉在縣西北二里二泉相距不數武南甘北鹹
水神泉在縣西北狐尾溝內一里

寧鄉水通考平夷有寧鄉水

山西通志卷二十